



REPUBLIKA E SHQIPËRISË  
MINISTRIA E FINANCAVE DHE EKONOMISË  
DREJTORIA E PËRGJITHSHME E BUXHETIT  
DREJTORIA E MENAXHIMIT TË BUXHETIT

Nr. 1008/1 prot.

Tiranë, më 19.01.2023

Lënda: Dërgohet Udhëzimi Plotësues “Për zbatimin e Buxhetit të vitit 2023”.

MINISTRIA/ INSTITUCIONI \_\_\_\_\_  
DREJTORISË SË PËRGJITHSHME TË THESARIT  
DEGA E THESARIT \_\_\_\_\_

Mbështetur në ligjin nr.84/2022 “Për Buxhetin e vitit 2023” dhe në vijim të Udhëzimit të Ministrit të Financave nr.9 datë 20.03.2018 “Për procedurat standarde të zbatimit të Buxhetit”, bashkëlidhur Ju përcjellim Udhëzimin Plotësues nr. 2 datë 19.01.2023 “Për zbatimin e Buxhetit të vitit 2023”.

Duke vlerësuar bashkëpunimin,

MINISTËR  
Delina Ibrahimaj



1008

## UDHËZIM PLOTËSUES

19.1.2023

Nr. 2 datë 19.1.2023

### “PËR ZBATIMIN E BUXHETIT TË VITIT 2023”

Në mbështetje të pikës 4, të nenit 102 të Kushtetutës, në zbatim të nenit 38 të ligjit nr. 9936, datë 26.06.2008, “Për Menaxhimin e Sistemit Buxhetor në Republikën e Shqipërisë”, të ndryshuar, nenit 21, të ligjit 84/2022, “Për Buxhetin e vitit 2023” dhe në vijim të Udhëzimit të Ministrit të Financave dhe Ekonomisë nr. 9, datë 20.03.2018, “Për procedurat standarde të zbatimit të buxhetit”, paragrafi 2,

### U D H Ë Z O J :

#### I. Procedura specifike shtesë për zbatimin e Buxhetit të Shtetit

##### Të Përgjithshme

1. Për çdo njësi shpenzuese të krijuar, çelet kodi përkatës në Sistemin Informatik Financiar të Qeverisë (SIFQ), pas paraqitjes së kërkesës zyrtare të njësisë së qeverisjes së përgjithshme, e shoqëruar detyrimisht me aktin përkatës ligjor ose nënligjor, apo akte të tjera administrative të krijimit të saj. Hapat proceduralë që duhet të ndiqen në rastin e krijimit të një Institucioni të Ri Buxhetor janë të përcaktuar në Aneksin A, bashkelidhur këtij udhëzimi. E njëjta procedurë ndiqet edhe në rastin e mbylljes së një njësie shpenzuese.
2. Për çdo njësi arkëtuese jo shpenzuese të qeverisjes së përgjithshme dhe për çdo njësi arkëtuese jo buxhetore (për shembull njësitë me vetëfinansim, etj.), çelet kodi përkatës në SIFQ në zbatim të aktit përkatës ligjor ose nënligjor, apo akte të tjera administrative të krijimit të saj.
3. Njësitë shpenzuese gjatë përdorimit të fondeve buxhetore të planifikuara për “Mallra e Shërbime”, me prioritet urdhërojnë pagesat për shërbimet e furnizimit me energji elektrike (në kushtet e mungesës së likuiditetit dhe/ose planit të arkës, respektohet renditja në pikën 151 të Udhëzimit nr. 9, datë 20.03.2018, “Për procedurat standarde të zbatimit të buxhetit”). Strukturat përgjegjëse për Thesarin në degë, verifikojnë listën e debitorëve të dërguar nga Furnizuesi i Shërbimit Universal sh.a.-Operatori i Shpërndarjes së Energjisë Elektrike Grup (FSHU-OSHEE GROUP) çdo muaj dhe autorizojnë pagesën e faturave të tjera, vetëm nëse njësia shpenzuese nuk rezulton me detyrime të

papaguara në këtë listë. Në rast të kundërshtimeve, njësia shpenzuese rakordon me OSHEE dhe vetëm pas sqarimit zyrtar të detyrimit vijojnë pagesat e tjera. Në rast se detyrimi është objekt i një çështjeje gjyqësore, njësia shpenzuese duhet të paraqesë një dokument që vërteton se çështja është në proces gjyqësor. Këto përcaktime janë të vlefshme edhe në rastin kur institucionet përfitojnë fonde buxhetore në formën e subvencioneve.

4. Pagesa e keshilltareve të jashtëm dhe ndihmesve të jashtëm të përcaktuara në pikën 6 të VKM 187/2017, i ndryshuar, bëhet nga artikulli 602.
5. Dëmshpërblimi i nëpunësve civilë që për shkak të ristrukturimit lirohen nga shërbimi civil si edhe kompesimi i funksionarëve përfitues të telefonisë celulare sipas pikës 14, të VKM 673/2020, do të paguhet nga artikulli 606 (Transferimi tek individët), pas rialokimeve të fondeve nga artikujt e tjerë të shpenzimeve korrente.
6. Letër Krediti i qeverisjes së përgjithshme (LC) është instrument pagese i kërkuar në kushte specifike të zbatimit të buxhetit nga njësia shpenzuese të qeverisjes së përgjithshme. Ky instrument pagese, aplikohet duke transferuar paratë nga llogaria e unifikuar e Thesarit “Depozitë e Qeverisë” në bankën e nivelit të dytë, në një llogari bankare të çelur me emërtimin e projektit të kontraktuar në pronësi të njësive shpenzuese deri në momentin e lëvrimit të mallit/shërbimit.
7. Zbatimi i vendimeve gjyqësore që lidhen me procesin e legalizimit të ndërtimeve pa leje, si dhe rikthimi i vlerave të arkëtuara subjekteve që u është ndërprerë procesi i legalizimit në përputhje me aktet nënligjore në zbatim të ligjit nr. 9482, datë 3.4.2006, “Për legalizimin, urbanizimin e integrimin e ndërtimeve pa leje”, i ndryshuar, do të përballohen me të ardhurat e realizuara nga transferimi i parcelës ndërtimore, të cilat nuk janë transferuar në llogarinë e kompensimit të pronave.
8. Të ardhurat e realizuara nga Agjencia Shtetërore e Kadastrës nga proceset kalimtare të pronësisë, në zbatim të nenit 67, të ligjit Nr.20/2020 “Për përfundimin e proceseve kalimtare të pronësisë në Republikën e Shqipërisë”, do të kalojnë në fondin e kompensimit financiar të pronave, në masën dhe sipas procedurës së përcaktuar më poshtë:
  - a) 70% e të ardhurave të krijuara nga kalimi i të drejtës së pronësisë mbi parcelën ndërtimore të ndërtimeve pa leje kalon në llogarinë e thesarit në favor të institucionit ‘Agjencia e Trajtimit të Pronave në llogarinë ekonomike të të ardhurave 7116101, për tu kaluar më pas në Fondin e Kompesimit Financiar të Pronave.
  - b) 50% e të ardhurave të arkëtuara nga kalimi i së drejtës së pronësisë mbi trojet në zonat e stimuluar kalon në llogarinë e thesarit në favor të institucionit ‘Agjencia e Trajtimit të Pronave”, në llogarinë ekonomike të të ardhurave 7116102, për tu kaluar më pas në Fondin e Kompesimit Financiar të Pronave.
  - c) 50% e të ardhurave të krijuara nga kalimi i së drejtës së pronësisë mbi sipërfaqet shtesë, sipas pikës 4, të nenit 10, të ligjit 20/2020 kalon në thesar në favor të institucionit ‘Agjencia e Trajtimit të Pronave”, në llogarinë ekonomike të të ardhurave 7116102, për t’u kaluar më pas në Fondin e Kompesimit Financiar të Pronave.

Brenda datës 10 të çdo muaji, drejtoritë vendore të ASHK-së do të kalojnë pjesën takuese të të ardhurave sipas përcaktimeve si më sipër, në llogarinë e thesarit të shoqëruar me Nxjerrjet e llogarive bankare mujore të bankave të nivelit të dytë, të cilat pasqyrojnë shumat e arkëtuara.

Bazuar në rakordimet përkatëse struktura qendrore për thesarin autorizon transferimin e mjeteve monetare nga llogaria e unifikuar e thesarit, në llogarinë e fondit të kompesimit financiar të pronave pranë Bankës së Shqipërisë.

9. Në zbatim të pikës 1 dhe 2 të nenit 9, të ligjit nr. 34/2017 “Për lirimin e frekuencave të dixhital-dividentit”, procedura e transferimit pjesor të arkëtimeve që krijohen nga pagesat në vlerën e arritur në procesin e konkurrimit për frekuencat e brezit te caktuar, përshkruhet si më poshtë:

- a) Autoriteti i Komunikimeve Elektronike dhe Postare (AKEP-i) rakordon me degën e Thesarit Tiranë për arkëtimet që krijohen nga pagesat në vlerën e arritur në procesin e konkurrimit, sipas procedurës së përcaktuar në nenet 68 dhe 69, të ligjit nr. 9918, datë 19.5.2008, “Për komunikimet elektronike në Republikën e Shqipërisë”, të ndryshuar, për frekuencat e brezit te caktuar, të cilat derdhen në Buxhetin e Shtetit nga fituesit e të drejtave të përdorimit të tyre dhe njofton Autoriteti i Mediave Audiovizive (AMA-n) duke i percjellë një kopje të akt-rakordimit të mbajtur me degën e Thesarit Tiranë.
- b) AMA në bazë të njoftimit nga AKEP-i mbi të ardhurat e krijuara, kërkon zyrtarisht në Aparatin e Ministrisë së Financave dhe Ekonomisë transferimin e një pjese të tyre, duke i bashkëlidhur kërkesës, kopjen e aktrakordimit sipas pikës 1 me sipër.
- c) Drejtoria e Buxhetit dhe Menaxhimit Financiar në Ministrinë e Financave dhe Ekonomisë, mbas marrjes në dorëzim të kërkesës nga protokollit, përgatit kërkesën për rritjen e autorizuar për përdorimin e të ardhurave të arkëtuara nga fituesit e të drejtave të përdorimit të frekuencave të brezit te caktuar. Nëpunësi zbatues dhe autorizues i Ministrisë së Financave dhe Ekonomisë, miratojnë urdhër shpenzimit me përshkrimin “Transfertë për ekzekutimin e kompensimit financiar nga AMA për kalimin nga transmetimet analoge në transmetimet numerike sipas pikës 2, të nenit 9, të ligjit 34/2017”.
- d) Për realizimin e pikës c) më sipër, bazuar në kërkesën Aparatit të Ministrisë së Financave dhe Ekonomisë, struktura e thesarit në degë bën rritjen e autorizuar për përdorimin e të ardhurave për institucionin e AKEP-it në kapitullin 06. Më pas, Aparati i Ministrisë së Financave dhe Ekonomisë paraqet kërkesën për transferim fondi në strukturën e thesarit në qendër, e cila kryen transferimin e planit të thesarit, nga institucioni i AKEP –it tek institucioni i Ministrisë së Financave dhe Ekonomisë, i cili, në përfundim, kryen transfertën e shumës respektive me urdhër shpenzim në favor të AMA-s.

10. Procedura e kthimit të vlerave të llogaritura gabimisht më tepër gjatë procesit të rivlerësimit të pasurisë së paluajtshme nga Agjencia Shtetërore e Kadastrës (ASHK-ja), i cili operon si agjent tatimor (grupi 80) për arketimin në buxhetin e shtetit (në emër të zyrave vendore të ASHK pranë bankave të nivelit të dytë, në llogarinë bankare të të ardhurave të thesarit) të pagesave për tatimin nga rivlerësimi i pasurive të paluajtshme përshkruhet si më poshtë:

- Pas rakordimit me Degën e Thesarit për shumën e evidentuara që duhet t'i kthehen individëve, zyra vendore e ASHK do të paraqesë urdher shpenzimit se bashku me dokumentat justifikues pranë degës së thesarit respektive për kthimin e shumës tek individ/personi juridik përfitues i kësaj shume. Në bazë të njoftimit të ZVASHK tek NPA struktura përgjegjëse për harmonizimin e kontrollit të brendshëm financiar publik njofton degen përkatëse të Thesarit për firmat e autorizuar, nëpunës/autorizues të urdher shpenzimit.

### **Detajimi i fondeve buxhetore**

11. Në mbështetje të nenit 11 të Ligjit të Buxhetit nr. 84/2022 “Për Buxhetin e vitit 2023”, nëpunësi i parë autorizues informon me shkrim nëpunësit autorizues të çdo njësie të qeverisjes qendrore për shpërndarjen e fondeve buxhetore sipas klasifikimit buxhetor për vitet 2023-2025. Struktura përgjegjëse për buxhetin në Ministrinë e Financave dhe Ekonomisë, regjistron në SIFQ fondet buxhetore në nivel agregat dhe në nivel produkti për vitet 2023 – 2025.

12. Pas organizimit të procesit të detajimit, nëpunësit autorizues të njësisë të qeverisjes qendrore dërgojnë pranë nëpunësit të parë autorizues, zyrtarisht dhe në formë elektronike detajimin e fondeve buxhetore për vitet 2023-2025 sipas strukturës buxhetore për të gjitha njësitë shpenzuese dhe sipas formatit të përcaktuar në shtojcën nr. 1 “Formati i detajimit të fondeve buxhetore”. Pasi miratohet nga Nëpunësi i Parë Autorizues, detajimi i buxhetit dërgohet zyrtarisht tek çdo njësi e qeverisjes qendrore dhe bëhet i vlefshëm për zbatim vetëm pasi rregjistrohet në sistemin informatik financiar të qeverisë nga struktura përgjegjëse për buxhetin në Ministrinë përgjegjëse për Financat apo në Njësinë e Qeverisjes Qendrore, përkatësisht sipas të drejtës që ato kanë për përdorimin e sistemit informatik financiar të qeverisë.

13. Procedura të veçanta zbatohen për detajimin e fondeve buxhetore të miratuara me ligjin vjetor të buxhetit si më poshtë:

a. Fondet e buxhetit për arsimin e lartë.

a.1 Fondet e buxhetit të shtetit për institucionet e arsimit të lartë shpërndahen në formën e grantit. Ky fond shpërndahet sipas kategorive; i) granti i politikave të zhvillimit për institucionet publike të arsimit të lartë; ii) granti i mësimdhënies; iii) granti i punës kërkimore-shkencore dhe veprimtarive krijuese. Modeli i financimit për institucionet e arsimit të lartë dhe kërkimin shkencor, është miratuar me Vendimin e Këshillit të Ministrave nr. 75, datë 12.2.2018 “Për miratimin e modelit të financimit të institucioneve

publike të Arsimit të Lartë dhe Kërkimit Shkencor” Kriteret për përdorimin e granteve të politikave të zhvillimit për institucionet publike të arsimit të lartë dhe granti i punës kërkimore-shkencore dhe veprimtarive krijuese, janë përcaktuar në nenin 111 dhe nenin 113 të ligjit nr.80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”. Zbatimi i skemës së financimit, për institucionet publike të arsimit të lartë, kryhet sipas udhëzimit të përbashkët të ministrit përgjegjës për financat dhe ministrit përgjegjës për arsimin nr. 20, datë 20.09.2019, “Për skemën dhe zbatimin e modelit të financimit të institucioneve publike të arsimit të lartë dhe kërkimit shkencor”.

**a.2** Mbartja e fondit të grantit të arsimit të lartë të papërdorur gjatë vitit 2023, do të bëhet sipas procedurës si më poshtë:

- o Të gjitha Institucionet e Arsimit të Lartë rakordojnë (duke mbajtur një akt-rakordim) me Degët e Thesarit lidhur me fondet e papërdorura gjatë vitit 2022 për grantin e arsimit të lartë përkatësisht në strukturat:
    - *Grupi 11, Programi 09450, Kapitulli 08, Artikujt 600, 601, 602, 604, 605, 606.*
    - *Grupi 11, Programi 09770, Kapitulli 08, Artikujt 600, 601, 602, 604, 605 dhe 606.*
  - o Kërkesa zyrtare së bashku me një kopje të këtij akt-rakordimi paraqitet nga Institucionet e Arsimit të Lartë pranë nëpunësit të parë autorizues për t’u mbartur si akordim plani në të njëjtën strukturë buxhetore në vitin pasardhës.
- b.** Fondet për Qendrën Kombëtare të Bisnesit (QKB) janë të planifikuara si transferta në planin e Ministrisë përgjegjëse për ekonominë. Fondet e QKB-së të Bashkive, pas detajimit sipas klasifikimit buxhetor ekonomik, paraqiten për rishpërndarje tek nëpunësi i parë autorizues, në strukturën përgjegjëse për buxhetin, e cila e regjistron në sistemin informatik financiar të qeverisë.
- c.** Fondi i planifikuar për shërbimin spitalor në Ministrinë e Shëndetësisë, në artikullin 604, detajohet dhe përdoret me vendim të Këshillit të Ministrave. Në zbatim të VKM-së, Fondi i Sigurimit të Detyrueshëm të Kujdesit Shëndetësor (FDSKSH) paraqet tek Nëpunësi i Parë Autorizues, detajimin sipas strukturave buxhetore të miratuara. Fondet për spitalet bëhen të disponueshme në Kapitullin 08 (Burimi i fondit buxhetor).
- d.** Fondet e akorduara për rindërtimin për njësitë e vetëqeverisjes vendore (korrente dhe kapitale), si dhe fondet e ngurtësuara të cilat rezultojnë të pashpenzuara në fund të vitit buxhetor 2022, trashëgohen në vitin pasardhës dhe përdoren për të njëjtin qëllim. Mbartja e këtyre fondeve do të bëhet sipas procedurës si më poshtë:
- o Njësitë e vetëqeverisjes vendore rakordojnë me Degët e Thesarit lidhur me fondet e rindërtimit të papërdorura (korrente dhe kapitale) dhe ato të ngurtësuara gjatë vitit 2022 në strukturat buxhetore përkatëse (kodi i produktit të lidhet vetëm me fondin e rindërtimit), duke mbajtur një akt-rakordim.

- o Një kopje të akt-rakordimit të mbajtur me thesarin për fondet e papërdorura të rindërtimit, njësitë e vetëqeverisjes vendore e dërgojnë në strukturën përgjegjëse për Buxhetin në Ministrinë e Financave dhe Ekonomisë, brenda muajit janar 2023.
14. Fondi i rindërtimit për përballimin e pasojave të tërmetit të vitit 2019 prej 5 miliard lekë përdoret për të përballuar kostot për projektet e miratuara dhe të pafinancuara të viteve të mëparshme dhe pjesa e mbetur për projekte të reja.
  15. Fondi prej 100 milionë lekë, i parashikuar në programin buxhetor “Ekzekutimi i pagesave të ndryshme” në Ministrinë e Financave dhe Ekonomisë, përdoret për parafinancimin, bashkëfinancimin dhe pagesën e tatimit mbi vlerën e shtuar dhe të detyrimeve doganore për projektet me financim të huaj sipas procedurave të shpërndarjes të përcaktuara në **Aneksin B** bashkëlidhur këtij udhëzimi.
  16. Fondi për emergjencat civile, në masën 800 milionë lekë, akordohet në programin “Emergjencat civile” të Ministrisë së Mbrojtjes dhe shpërndahet në formën e transfertës së kushtëzuar për njësitë e vetëqeverisjes vendore. Brenda muajit Shkurt 2023, ky fond shpërndahet për njësitë e vetëqeverisjes vendore, nga Ministria e Mbrojtjes në bashkëpunim me Ministrinë e Financave dhe Ekonomisë, me një formulë e cila bazohet në peshën specifike që zë buxheti i çdo bashkie ndaj totalit të buxhetit të të gjitha bashkive. Detajimi sipas produkteve bëhet në përputhje me kriteret e ndarjes dhe përdorimit të këtij fondi, të përcaktuara në VKM-në nr. 414, datë 7.07.2021 “Për miratimin e procedurave dhe kriterëve të ndarjes dhe të përdorimit të fondit të kushtëzuar të buxhetit të shtetit për mbrojtjen civile”.
  17. Fondi prej 1.000 milionë lekësh në zërin shpenzime kapitale në programin “Emergjencat civile” të ministrisë së Mbrojtjes, është Fondi për Parandalimin dhe Menaxhimin e Fatkeqësive Natyrore që lidhet me parandalimin e fatkeqësive natyrore, dhe do të shpërndahet me VKM në bazë të kriterëve dhe procedurave të parashikuara në Aneksin nr.6 të ligjit nr.84/2022 “Për buxhetin e vitit 2023”.
  18. Fondi prej 200 milionë lekësh në zërin shpenzime kapitale në programin “Emergjencat civile” të ministrisë së Mbrojtjes përdoret për eliminimin e pasojave në rastet e fatkeqësive natyrore, kur shpenzimi ka natyrën e investimit. Ky fond shpërndahet gjatë vitit buxhetor në bazë të kërkesës së njësisë së vetëqeverisjes vendore, sipas rasteve të ndodhjes së fatkeqësisë.
  19. Për Fondet Speciale:
    - a. Një kopje e buxhetit vjetor e miratuar nga Këshilli Administrativ i Institutit të Sigurimeve Shoqërore, depozitohet në Drejtorinë e Përgjithshme të Buxhetit.
    - b. Një kopje e buxhetit vjetor e miratuar nga Këshilli Administrativ i Fondit të Sigurimit të Detyrueshëm të Kujdesit Shëndetësor, depozitohet në Drejtorinë e Përgjithshme të Buxhetit.
  20. Projektet e reja të investimeve për vitin 2023, miratohen nga Ministria e Arsimit dhe Sportit në përputhje me kriteret dhe procedurat e përcaktuara me udhëzim/urdhër të Ministrit të Arsimit dhe Sportit.

21. Detajimi i fondeve për investime të miratuara në ligjin nr.84/2022, “Për Buxhetin e vitit 2023”, si dhe kërkesat për rishpërndarje apo për fonde shtesë për investime, do të paraqiten për miratim pranë ministrit përgjegjës për financat.
22. Njësitë e qeverisjes qendrore, në detajimin e planeve të miratuara të investimeve, do të mbajnë parasysh këto kritere dhe përparësi në financimin e projekteve:
  - a. Projektet e investimeve të propozuara për financim duhet të jenë pjesë e projekteve të propozuara dhe të shqyrtuara nga Këshilli i Ministrave dhe të paraqitura në Kuvend, për vitin 2023;
  - b. Projektet në vazhdim nga viti 2021-2022 ose më parë, do të financohen me përparësi dhe duhet të jenë pjesë e prioriteteve të propozuara për financim gjatë vitit 2023.
  - c. Likuidimet e detyrimeve (faturave) kontraktore, të jenë në linjë me ecurinë fizike të punimeve.
  - d. Detyrimet për TVSh-në, Taksa Doganore ose bashkëfinancimet nga buxheti i shtetit për projektet me financim të huaj, do të financohen në përputhje me detyrimet që rrjedhin nga marrëveshjet financiare të projekteve dhe në përputhje me vlerën e financimit të huaj të planifikuar për vitin 2023. Financimi i projekteve me financim të huaj nuk duhet të tejkalojë tavanin e miratuar në ligjin e buxhetit për vitin 2023.
  - e. Gjatë shqyrtimit dhe miratimit të detajimit fillestar për projektet e financuara me fonde IPA si edhe të kostove respektive të bashkëfinancimit dhe TVSH-së, do të mbahen parasysh procedurat e përcaktuara në udhëzimin nr.10 datë 9.03.2015 “Për përcaktimin e procedurave për menaxhimin nëpërmjet Fondit Kombëtar të Bashkëfinancimit të buxhetit të shtetit për projektet IPA”, të ndryshuar.
  - f. Projektet e reja të propozuara për financim duhet të kenë kaluar procedurat e miratimit në kuadër të PBA-së 2023-2025 si dhe bazohen në kriteret e përcaktuara në VKM nr.887, datë 27.12.2022 “Për procedurat e menaxhimit të investimeve publike”.
  - g. Nëse projekti i propozuar nuk ka qenë pjesë e PBA-së 2023-2025 dhe nëse nuk plotëson asnjë nga kushtet e mësipërme, kërkesa për financim duhet të paraqitet vetëm në kuadër të rishikimit të buxhetit vjetor.
23. Shtesat në planin e miratuar të projekteve të investimeve publike në kuadër të kontratave për punime shtesë ose të ndryshimeve në planin e projekteve, si dhe rialokimet e fondeve ndërmjet projekteve gjatë zbatimit të buxhetit, do të bëhen me miratim paraprak të Ministrit të Financave dhe Ekonomisë, bazuar në relacionin dhe argumentet mbi domosdoshmërinë e tyre.
24. Për angazhimet buxhetore shumëvjeçare, që lidhen me projekte të reja investimesh publike, gjatë zbatimit të tyre nuk lejohet që në buxhetin e njësisë përkatëse të njësisë së qeverisjes qendrore të shpërndahen më pak se 20% e vlerës së plotë të projektit përkatës gjatë vitit të parë, më pak se 30% e vlerës së plotë të projektit përkatës gjatë vitit të dytë dhe më pak se 30% e vlerës së plotë të

projektit përkatës gjatë vitit të tretë, përveç rasteve ku përcaktohet ndryshe në dokumentin e studimit të fisibilitetit dhe për projektet e reja të miratuara në PBA 2023-2025.

25. Fondet për projektet e reja të investimeve për blerjen e pajisjeve elektronike/informatike dhe sisteme IT, që lidhen me Teknologjinë e Informacionit, bëhen efektive pas lidhjes së kontratës nga Agjencia Kombëtare e Shoqërisë së Informacionit (AKSHI).
26. Në zbatim të VKM nr.673 date 22.11.2017 “Për riorganizimin e Agjencisë Kombëtare të Shoqërisë së Informacionit”, AKSHI është institucioni i vetëm përgjegjës për kryerjen e procedurave të prokurimit, tenderimit dhe lidhjes së kontratës për të gjitha sistemet e Teknologjisë së Informacionit (TI). Për këtë qëllim, procedura që do të ndiqet është si vijon:
  - a. Lidhja e të gjitha kontratave për blerjen e mallrave dhe shërbimet për mirëmbajtjen e sistemeve TI (shpenzime kapitale dhe korente), kryhet nga AKSHI.
  - b. Për shpenzimet korrente dhe kapitale kontrata lidhet në emër të titullarit të AKSHI-t, me përfitues të mallit dhe/ose shërbimit, AKSH-in, pasi fondet përkatëse për vitin 2023 për mirëmbajtjen e sistemeve të IT të njëjësive të qeverisjes qendrore si dhe fondet e investimeve për përmirësimin e sistemeve të IT, kushteve të AKSH-it dhe për Sistemet Qeveritare, janë të miratuara në buxhetin e AKSH-it. Këto kontrata depozitohen nga ana e AKSH-it në degën e thesarit për t’u regjistruar në SIFQ.
27. Plani i miratuar në ligjin e buxhetit për financimet e huaja, është kufiri i cili duhet të respektohet gjatë procesit të kryerjes së shpenzimeve, si për projektet me skeme të plotë thesari ashtu edhe për ato me skemë të pjesshme thesari (jashtë TSA, në bankat e nivelit të dytë. Në rast tejkalimi të planit të shpenzimeve, njësitë e qeverisjes qendrore do të marrin masa për sistemimin e tyre nëpërmjet rialokimeve gjatë vitit dhe gjatë procesit të rishikimit të buxhetit.
28. Në rastet kur në marrëveshjen dypalëshe, të nënshkruar për zbatimin e projekteve me financim të huaj, është përcaktuar që disbursimi nga donatori/kreditori do të bëhet pasi të jetë kryer shpenzimi dhe pasi të jetë vlerësuar performanca e projektit, atëherë për kryerjen e shpenzimit, ministritë/institucionet, në rast se nuk kanë parashikuar fondet përkatëse në planin e buxhetit vjetor, do të shqyrtojnë mundësinë e një rialokimi për të siguruar fondet e nevojshme.
29. Fondet e rimbursuara nga donatori/kreditori, sipas projekteve përkatëse, derdhen në buxhetin e shtetit dhe regjistrohen në një zë të veçantë për t’u dalluar nga grantet dhe kreditë e tjera, me emërtimin “Rimbursim i shpenzimeve, pas vlerësimit të performancës”.
30. Për institucionet e arsimit të lartë, që kanë përdorur të ardhurat e veta për financimin e projektit/eve, fondi i rimbursuar nga donatori/kreditori pas vlerësimit të performancës së projektit/eve në fjalë, i kalon institucionit përkatës të arsimit të lartë që ka kryer shpenzimin nga të ardhurat e veta, në masën e shpenzimit të kryer, dhe perdoret prej tij si e ardhur.”
31. Për njësitë e vetëqeverisjes vendore, që kanë përdorur të ardhurat e veta për financimin e

projektit/eve, fondi i rimbursuar nga donatori/kreditori pas vlerësimit të performancës së projektit/eve në fjalë, i kalon njësisë përkatëse të vetëqeverisjes vendore që ka kryer shpenzimin nga të ardhurat e veta, në masën e shpenzimit të kryer, dhe përdoret prej saj si e ardhur.

### **Rishpërndarja e fondeve buxhetore**

32. Kufiri i shpenzimeve, sipas tabelës I, të ligjit nr. 84/2022, “Për buxhetin e vitit 2023” mund të rishpërndahet gjatë vitit ndërmjet programeve brenda të njëjtit institucion buxhetor apo ndërmjet programeve të institucioneve të ndryshme nga Këshilli i Ministrave deri në masën 10 për qind të shumës së përgjithshme të shpenzimeve korrente apo shpenzimeve të përgjithshme kapitale, duke ruajtur totalin e shpenzimeve korrente dhe kapitale. Për vitin 2023, zbatimi i buxhetit do të bëhet nëpërmjet Sistemit Informatik të Qeverisë (AGFIS) si pjesë e Sistemit Informatik të Menaxhimit Financiar (AFMIS), në përputhje me dokumentin e Programit Buxhetor Afatmesëm 2023-2025. Për rrjedhojë, rishpërndarjet e fondeve buxhetore sipas përcaktimeve të nenit 44, të ligjit nr. 9936/2008 i ndryshuar, do të ekzekutohen edhe në nivel produkti sipas formatit të përcaktuar në shtojcën nr. 2 “Formati i rishpërndarjes të fondeve buxhetore”.
33. Çdo rishpërndarje e fondeve, shtesë e fondeve mbi buxhetin e miratuar vjetor si edhe çdo rishikim i buxhetit në përputhje me përcaktimet e neneve 44, 45 dhe 46 të ligjit nr. 9936/2008, i ndryshuar, mund të ndryshojë ose jo sasinë e produkteve respektive të lidhura me to. Përditësimi i sasisë së produkteve pra shtesa apo pakësimi i sasisë së produkteve duhet të kryhet nga njësia e qeverisjes qendrore rast pas rasti në sistemin AFMIS.
34. Krijimi i një produkti të ri gjatë vitit buxhetor (për shkak të përfitimit të një fondi buxhetor mbi tavanet e miratuara për njësinë e qeverisjes qendrore në tabelën 1 të ligjit vjetor të buxhetit si psh përfitimi nga Fondi Rezervë), bëhet nga njësia e qeverisjes qendrore në sistemin AFMIS pas aprovimit të ministrisë përgjegjëse për financat. Fondet e alokuara me aktet ligjore/nënligjore për produktin e ri sipas kodit përkatës të tij bëhen efektive në sistemin informatik financiar të qeverisë në përputhje me strukturën buxhetore përkatëse.
35. Për shpenzimet kapitale, krijimi i një projekti të ri investimi ose produkti të ri në një projekt ekzistues investimi, (për shkak të përfitimit të një fondi buxhetor mbi tavanet e miratuara për njësinë e qeverisjes qendrore në tabelën I të ligjit vjetor të buxhetit si psh përfitimi nga Fondi Rezervë) do të kryhet në modulën e menaxhimit të investimeve publike, nga njësia e qeverisjes qendrore pas aprovimit të ministrisë përgjegjëse për Financat. Fondet e alokuara me aktet ligjore/nënligjore për projektin e ri/produktin e ri bëhen efektive në sistemin informatik financiar të qeverisë në strukturën buxhetore përkatëse.
36. Rishpërndarjet e fondeve midis shpenzimeve korrente dhe projekteve/produkteve të investimeve publike për vitin 2023 duhet të analizohen nga njësia e qeverisjes qendrore nëse prekin

parashikimet e bëra për vitet 2024 dhe 2025. Në rast se po, këto ndryshime duhet të reflektohen në sistemin informatik financiar të qeverisë dhe në sistemin AFMIS për periudhën 2023-2025.

### **Kontrolle financiare paraprake shtesë, në procesin e menaxhimit të fondeve publike**

37. Me qëllim menaxhimin financiar eficient të fondeve publike dhe parandalimin e krijimit të detyrimeve të papaguara në kohë, në nenin 11 të ligjit nr. 84/2022 “Për buxhetin e vitit 2023”, janë miratuar tavanet buxhetore për çdo program, të ndara për shpenzime korente dhe shpenzime kapitale për vitet 2023-2025.
38. Kontrolli mbi limitet e angazhimit do të realizohet duke ndjekur procedurën si më poshtë:
- Çdo njësi e qeverisjes së përgjithshme depoziton regjistrin e prokurimeve publike zyrtarisht dhe elektronikisht në Agjencinë e Prokurimit Publik dhe Degën e Thesarit në fillim të çdo viti buxhetor, si dhe çdo ndryshim të tij gjatë vitit, përpara fillimit të procedurës së prokurimit. Në çdo rast, shuma totale e prokurimeve vjetore duhet të jetë e barabartë ose më e vogël se fondet e miratuara vjetore.
  - Në rast se parashikohen prokurime për kontrata shumëvjeçare, ato duhet të paraqiten në regjistër, duke specifikuar veçmas fondin e nevojshëm për vitin buxhetor 2023 dhe fondet e parashikuara për secilin vit buxhetor, deri në plotësimin e shërbimeve/punimeve të planifikuara.
  - Dega e Thesarit kryen kontrollin e totalit të fondeve të paraqitura në regjistrin e prokurimeve me totalin e fondeve të miratuara në buxhetin e njësisë dhe, vetëm pasi vulozet nga Thesari urdhri i prokurimit, njësia mund të fillojë procesin e prokurimit në Agjencinë e Prokurimeve Publike. Nuk vulozet nga dega e thesarit urdhri i prokurimit për procedurat e blerjeve me vlerë nën 800 000 leke, për të cilat nuk lidhet kontrate.
  - Institucionet buxhetore, të cilat operojnë direkt në SIFQ, regjistrojnë në sistem kërkesë blerjen për çdo vlerë prokurimi të përcaktuar në planin e miratuar të prokurimeve të institucionit. Nuk rregjistrohet në SIFQ urdhri i prokurimit për procedurat e blerjeve me vlerë nën 800 000 leke, për të cilat nuk lidhet kontrate. Institucionet buxhetore që aksesojnë Ëeb Portalin për arshivën elektronike, rregjistrojnë në Ëeb portal kërkesën për blerje malli/shërbimi e cila aprovohet ose refuzohet nga dega e thesarit respektivisht nëse ekzistojnë ose jo fonde të vlefshme buxhetore. Numri i transaksionit të kërkesë blerjes së krijuar dhe aprovuar në SIFQ ose Ëeb Portal përdoret nga institucioni buxhetor në Sistemin Informatik të Prokurimit Publik gjatë krijimit të procedurës së Prokurimit si kriter për kontrollin automatik të fondeve të vlefshme buxhetore në Sistemin Informatik Financiar të Qeverisë.
  - Të gjithë urdhrat e prokurimit që nxirren gjatë vitit për mallrat, shërbimet dhe investimet duhet të paraqiten në degën e Thesarit, së bashku me ftesën për prokurim, të cilat duhet: (i) t’i përmbahen listës së prokurimeve të dorëzuar në Thesar, (ii) të kontrollohen për përputhshmëri me regjistrin

e prokurimeve dhe të vulosen nga dega e Thesarit, përpara procedimit, sipas rregullave të prokurimit publik.

- Nëse në degën e Thesarit paraqitet një urdhër prokurimi i pambuluar me fonde buxhetore, atëherë dega e Thesarit refuzon me shkrim dokumentin e paraqitur dhe për këtë njofton Agjencinë e Prokurimit Publik. Në asnjë rast, Agjencia e Prokurimit Publik nuk fillon procedurën zyrtare të prokurimit, pa pasur më parë një miratim të degës përkatëse të Thesarit.

39. Për të siguruar kontrollin që angazhimet shumëvjeçare të jenë brenda tavaneve trevjeçare të fondeve, të miratuara në ligjin vjetor të buxhetit, ndiqet kjo procedurë:

- a. Njësitë e qeverisjes së përgjithshme që operojnë online në SIFQ, rregjistrojnë dhe mbartin direkt në të, të gjitha kontratat e tyre, vjetore apo shumëvjeçare të reja apo në vazhdim, sipas vlerave përkatëse për çdo vit të buxhetit të miratuar trevjeçar;
- b. Për njësitë e qeverisjes së përgjithshme që nuk operojnë online në SIFQ, rregjistrimi dhe mbartja e kontratave, vjetore apo shumëvjeçare, bëhet nga dega e thesarit përkatëse, sipas vlerave të përcaktuara për çdo vit të buxhetit të miratuar trevjeçar;
- c. Në të dyja rastet e përcaktuara në pikat a) dhe b) më sipër, mbartja e kontratave të regjistruara në SIFQ përpara fillimit të vitit buxhetor përfundon brenda muajit shkurt të vitit buxhetor për të bllokuar fondet buxhetore sipas radhës kronologjike të nënshkrimit të angazhimeve buxhetore.
- d. Në të dyja rastet e përcaktuara në pikat a) dhe b) më sipër, nëse kohëzgjatja e kontratës shumëvjeçare shkon përtej periudhës trevjeçare të ligjit të miratuar të buxhetit, pjesa e mbetur e vlerës së kontratës, pas rregjistrimit të vlerave për çdo vit të buxhetit të miratuar trevjeçar, rregjistrohet në vitin buxhetor pasardhës që vjen menjëherë pas vitit të fundit të ligjit të miratuar të buxhetit trevjeçar.
- e. Përjashtim nga procedura e mësipërme përbën rregjistrimi në SIFQ i angazhimeve të shpenzimeve korrente për spitalet, pasi referuar nenit 5 të ligjit nr.84/2022 “Për buxhetin e vitit 2023”, Fondi për shërbimin spitalor detajohet dhe përdoret me vendim të Këshillit të Ministrave. Për vitin 2023, hedhja në sistemin informatik financiar të qeverisë të kontratave për shërbimin spitalor do të bëhet pas miratimit të detajimit të fondit përkatës për shërbimin spitalor për vitin 2023. Në rastin e kontratave shumëvjeçare, në sistemin informatik financiar të qeverisë do të hidhet vetëm shuma përkatëse e kontratës për vitin 2023.

40. Kontratat e lidhura nga njësitë e qeverisjes së përgjithshme duhet të paraqiten dhe të procedohen në degën e Thesarit përkatës sipas kërkesave të udhëzimit standard të zbatimit të buxhetit. Në rast vonese, dega e Thesarit procedon me regjistrimin në SIFQ dhe njofton menjëherë Nëpunësin e Parë Autorizues, i cili ndërmerr masa administrative ose inspektim financiar sipas kuadrit ligjor në fuqi. Në të njëjtën mënyrë veprohet edhe për paraqitjen me vonesë në degën e Thesarit të dokumenteve që vërtetojnë shpenzimin e kryer.

41. Përgjegjësi i degës së Thesarit dhe përgjegjësi i shpenzimeve në degën e Thesarit Tiranë përpara

regjistrimit në sistemin informatik financiar të qeverisë kontrollon dokumentacionin shoqëruar të kontratës koncesionare dhe të pagesave të lidhura me të sipas përcaktimeve në udhëzimin nr. 13, datë 10.03.2020 “Për një ndryshim në Udhëzimin nr.24, datë 29.08.2019 “Për përdorimin e arkivës elektronike në procesin e ekzekutimit të buxhetit të shtetit nga njësitë e qeverisjes së përgjithshme”” (kapitulli V-“Dokumentacioni mbështetës i nevojshëm sipas natyrës së transaksionit financiar”, pika 2-“Dokumentacioni për regjistrimin e kontratës” dhe paragrafi për dokumentat justifikues të urdhër shpenzimit).

42. Në rastin e kontratave shumëvjeçare, njësia shpenzuese nuk duhet të pranojë faturimin nga operatori ekonomik, për kryerjen e shërbimit apo ofrimit të mallrave objekt të kontratës, brenda vitit financiar në një vlerë më të madhe sesa buxheti i miratuar për atë kontratë në vitin financiar respektiv. Në raste të domosdoshmërisë së lëvrimin të shërbimit/mallrave para kohës së përcaktuar në kontratë, atëherë njësia shpenzuese duhet më parë të sigurojë miratimin e shtesës së planit të buxhetit dhe më pas të ndryshojë kushtet e kontratës për kohën e lëvrimin të shërbimit/mallrave”.
43. Në rastet e marrëveshjes kuadër, vlera e saj nuk do të rregjistrohet në SIFQ. Urdhëri i prokurimit që titullari i njësisë shpenzuese nxjerr bazuar në marrëveshjen kuadër do të konfirmohet paraprakisht për vlefshmerinë e fondeve pranë degës respektive të thesarit ose do të rregjistrohet në SIFQ nga njësitë shpenzuese me akses të drejtperdrejtë në sistem. Kontratat që lidhen në vijimësi bazuar në marrëveshjen kuadër midis autoritetit kontraktor (njësia shpenzuese) dhe operatorit ekonomik të përcaktuar në marrëveshjen kuadër do të rregjistrohen në SIFQ sikurse është përcaktuar në pikën 37 të këtij udhëzimi.
44. Në rastin kur në kontratë nuk ka një vlerë totale, por ka një çmim për volum pune, atëherë vlera e kontratës që do të rregjistrohet në SIFQ do të jetë e barabartë me vlerën e urdhërit të prokurimit të kësaj kontrate. Në vijimësi, gjatë zbatimit të kësaj kontrate, nëse çmimet për njësi ndryshojnë, njësia shpenzuese duhet të kërkojë rialokim fondi për diferencën e krijuar nga rritja e çmimeve dhe në këtë rast do të rregjistrohet në SIFQ një transaksion i ri Urdhër Blerje për diferencën e krijuar lidhur me kontratën respektive. Nëse çmimet rezultojnë më të ulëta sesa ato të përcaktuara në kontratë, atëherë kur kontrata të përfundojë, njësia shpenzuese do të kërkojë në degën e thesarit respektive mbylljen e transaksionit të urdhër blerjes lidhur me këtë kontratë duke mundësuar çlirimin e fondeve të krijuar si rezultat i uljes së çmimeve. Njësitë shpenzuese me akses të drejtperdrejtë në SIFQ i kryejnë vetë keto veprime në sistem.
45. Nëse në muajin janar, në përfundim të rakordimit vjetor të angazhimit të mbartur (mbetur nga pagesat e kryera gjatë vitit të kaluar) nuk ka fonde buxhetore të regjistruara në SIFQ për vitin ushtrimor apo për dy vitet e ardhshme, atëherë vlera e mbetur e kontratës regjistrohet në vitin buxhetor pasardhës që vjen menjëherë pas vitit të fundit të ligjit të miratuar të buxhetit trevjeçar për të siguruar evidentimin e vlerës së plotë të angazhimit të qeverisë ndaj operatorëve ekonomikë.
46. Regjistrimin e vlerës së plotë të kontratave në monedhë të huaj (në rast se aprovohen) në SIFQ

kryhet për tri vitet e para kundrejt vlerës së buxhetit të miratuar, ndërsa për vitin e katërt regjistrohet diferenca e mbetur e kontratës shumëvjeçare, duke përdorur kursin e ditës së Bankës së Shqipërisë në momentin e regjistrimit në SIFQ.

47. Njësitë shpenzuese të qeverisjes së përgjithshme prej datës 01 Janar 2021 detyrohen që të pranojnë vetëm fatura elektronike (dokumentacion i vetëm i vlefshëm tatimor i fiskalizuar) për furnizimet për mallrat e blera apo shërbimet e kryera nga operatorët ekonomike, e cila gjenerohet nga platforma qendrore e faturave që administrohet nga Agjencia Kombëtare e Shoqërisë së Informacionit (AKSHI) sipas formatit bashkëlidhur (Shtojca 3 “Fatura elektronike për mallrat apo shërbimet).
48. Me qëllim plotësimin e detyrimit ligjor që rrjedh nga ligji nr. 87/2019 “Për faturën dhe sistemin e monitorimit të qarkullimit”, i ndryshuar, i cili përcakton parimet, rregullat, kriteret, detyrimet, afatet dhe procedurat që duhet të ndiqen nga tatimpaguesit lidhur me lëshimin e faturës, faturës shoqëruese dhe faturës elektronike (specifikisht neni 2, gërma b dhe neni 48, pika 2/a ku fusha e zbatimit të këtij ligji përfshin edhe organet publike), kryerja e pagesave nga struktura përgjegjëse për Thesarin në degë të autorizohet vetëm për këtë mënyrë faturimi. Në zbatim të pikës 171 të udhëzimit nr. 9, datë 20.07.2018 “Për procedurat standarde të zbatimit të buxhetit”, para regjistrimit në sistemin informatik financiar të qeverisë (SIFQ) struktura përgjegjëse për Thesarin në degë kontrollon në dokumentacionin justifikues që i bashkëlidhet urdhër shpenzimit të hartuar nga njësi shpenzuese e qeverisjes së përgjithshme (të nënshkruar nga nëpunësi zbatues dhe autorizues përgjegjës për ligjshmërinë e transaksionit) nëse fatura tatimore është konform formatit të gjeneruar nga platforma qendrore e faturave, sipas pikës më sipër.

#### **Numri i punonjësve buxhetorë dhe shpenzimet e personelit**

49. Numri maksimal i punonjësve për çdo ministri dhe institucion qendror detajohet nga ministritë dhe institucionet qendrore në përputhje me emërtesën e institucionit dhe numrin përkatës të saj të përcaktuar në Urdhrin e miratimit të strukturës së çdo institucioni varësie brenda numrit total të njësisë së qeverisjes qendrore të përcaktuar në tabelën nr. 2 të ligjit vjetor. Si rregull, ky numër i shtrin efektet financiare duke filluar nga data 1 Shkurt 2023, ndërsa në muajin Janar për pagesat e punonjësve do të operohet me numrin e punonjësve të muajit Dhjetor të vitit 2022.
50. Në zbatim të neni 12 të ligjit nr. 84/2022 “Për Buxhetin e vitit 2023”, për vitin 2023 nuk do të miratohet asnjë ndryshim në strukturat organike të njësive të qeverisjes qendrore me efekte financiare shtesë në koston e personelit. Këtij rregulli i nënshtrohen edhe ato struktura në të cilat, paga për funksion jepet ose është sipas gradës përkatëse, ku çdo rritje në gradë do të bëhet efektive vetëm nëse nuk shoqërohet me efekte financiare shtesë në koston e përllogaritur, sipas gradave të miratuara. Përrjashtim bëjnë institucionet e reja të krijuara gjatë vitit.
51. Efektet financiare të ndryshimit të strukturave të njësive të qeverisjes qendrore vlerësohen nga struktura përgjegjëse për planifikimin e buxhetit në Ministrinë e Financave dhe Ekonomisë.

52. Numri rezervë i punonjësve përcaktohet në ligjin vjetor të buxhetit dhe alokohet me vendim të Këshillit të Ministrave. Procedurat e detajimit dhe të miratimit përcaktohen në të njëjtën mënyrë si për punonjësit në organikë.
53. Sipas përcaktimeve në aneksin nr.5, të ligjit 84/2022” Për punonjësit me kontratë të përkohshme”, për kontraktimin e punonjësve me kohë të pjesshme mbi numrin organik të punonjësve të institucioneve buxhetore për vitin 2023, ndiqen këto rregulla:
- Numri i punonjësve me kontratë të përkohshme miratohet nga Këshilli i Ministrave nëpërmjet propozimit të Ministrit përgjegjës për Financat.
  - Institucioni duhet të ketë fondet e nevojshme për mbulimin e shpenzimeve të personelit të kontraktuar.
  - Veprimtaria që kryejnë punonjësit me kontratë është kryesisht veprimtari e njësive strukturore mbështetëse/rregullatore/shërbimi të institucionit dhe në asnjë rast veprimtari e njësive strukturore politikë-bërëse, inspektuese apo audituese.
  - Kontraktimi i punonjësve bëhet në përputhje me kriteret e parashikuara për atë pozicion pune, për një periudhë kohore deri në 6 muaj gjatë një viti buxhetor me kohë pune ditore të plotë, ose deri në 6 orë në ditë përgjatë vitit buxhetor. Përfshirë nga ky përcaktim, bën kontraktimi i punonjësve që kryejnë një veprimtari që realizon të ardhura dytësore, përdorimi i të cilave parashikohet në ligjin vjetor të buxhetit, për këtë qëllim.
  - Pagesa e punonjësve me kontratë të përkohshme, përcaktohet në referencë të vendimit përkatës të Këshillit të Ministrave, për pozicionin për të cilin ai kontraktohet. Për pozicionin “Specialist”, paga e punonjësit me kontratë të përkohshme në institucionet e pavarura dhe aparatet e ministrive nuk kalon nivelin e kategorisë IV-a dhe në institucionet në varësi të tyre, nivelin e kategorisë IV-b. Në rast se pozicioni “specialist” ka shtesa specifike mbi pagën e kategorisë përkatëse, ato nuk përfitohen nga punonjësi me kontratë të përkohshme, me përjashtim të shtesës mbi pagë për punë të vështira e të dëmshme për shëndetin.
  - Rregullat përjashtimore për punonjësit me kontratë të përkohshme të Kryeministrit, përcaktohen në vendimin përkatës të Këshillit të Ministrave.
  - Pagesa bëhet në përputhje me procedurat e kryerjes së pagesave për punonjësit organik dhe përfshihet në shpenzimet e personelit të institucionit. Përfshirë nga ky rregull, bëjnë anketuesit/kontrollorët e terrenit të kontraktuar në realizimin e Census-it dhe anketimeve afatshkurta (më pak se dy javë), si dhe operatorët teknik për përdorimin e pajisjeve të teknologjisë së informacionit në qendrat e votimit, pagesa e të cilëve e bazuar në ditët e punës, do të përfshihet në shpenzimet operative të institucionit.
  - Në raste specifike që lidhen me mësimdhënien, veprimtarinë bujqësore, veprimtarinë statistikore, rregullat dhe procedurat e marrjes në punë të punonjësve me kontratë përcaktohen nëpërmjet

udhëzimit të përbashkët të miratuar mes institucionit qendror përgjegjës dhe Ministrisë përgjegjëse për Financat.

54. Praktikantët e punësuar sipas Programit Kombëtar të Praktikave të Punës në Administratën Shtetërore dhe Institucionet e tjera Publike, mbi numrin organik të miratuar për njësitë shpenzuese, miratohen me vendim të Këshillit të Ministrave. Për vitin 2023 detajimi i numrit të praktikantëve në institucionet buxhetore të kontraktuar sipas përcaktimeve në VKM-në nr. 395, datë 29.04.2015 “Për miratimin e programit Kombëtar të praktikave të punës në administratën shtetërore dhe institucionet e tjera publike”, të ndryshuar, duhet të paraqitet për miratim pranë nëpunësit të parë autorizues nga Ministria përgjegjëse për Rininë.
55. Efektet financiare për punonjësit e kontraktuar për Shtëpinë e Pushimit Durrës (të MPB), Shtëpinë e Pushimit të Shërbimit Informativ Shtetëror (SHISH) dhe Shërbimit Gjeologjik Shqiptar, përballohen nga të ardhurat e vetë institucionit. Për punonjësit e kontraktuar për Qendrat e Formimit Profesional dhe institucionet e varësisë së Ministrisë së Bujqësisë dhe Zhvillimit Rural, efektet financiare përballohen pjesërisht nga të ardhurat dhe pjesërisht nga fondet buxhetore të miratuara për vitin 2023.
56. Çdo ndryshim i numrit të punonjësve nga një njësi shpenzuese tek tjetra, shoqërohet me aktin përkatës të strukturës së miratuar të njërive shpenzuese.
57. Nga rregulli i pikës 56 përjashtohen:
  - Institucioni i Prokurorisë së Përgjithshme dhe KLGJ për transferimin e magjistrateve dhe nëpunësve në mbeshtetje të magjistratit, nga një njësi shpenzuese në një tjetër. Miratimi i ndryshimit të numrit të punonjësve organik për këto institucione, bëhet pas vlerësimit të kostos financiare nga struktura përgjegjëse për buxhetin dhe pas paraqitjes së kërkesës së institucionit të shoqëruar me urdhrin përkatës të emërimit të tyre.
58. Transferimi i numrit të punonjësve mësimorë organik, nga një shkollë në tjetrën, bëhet pas vlerësimit të kostos financiare nga struktura përgjegjëse për buxhetin e institucionit përkatës dhe pas paraqitjes së kërkesës së institucionit qendror.
59. Fondi i pagave dhe sigurimeve shoqërore përdoret nga çdo njësi shpenzuese për numrin faktik mujor të punonjësve në organikë, brenda numrit limit të miratuar. Nuk lejohet përdorimi i fondit të lirë që rezulton nga strukturat e paplotësuara apo nga reduktimi i strukturave aktuale me përjashtim të pagesës së punonjësve me kontratë të përkohshme. Në raste specifike, dhe me miratim të Ministrisë përgjegjëse për Financat, fondi i lirë për pagat dhe sigurimet shoqërore mund të rialokohet në shpenzime të tjera korrente.
60. Në zbatimin e fondit limit të pagave të mbahen në konsideratë rregullat e përcaktuara në udhëzimin nr. 4, datë 13.12.2016 “Për formën, elementët dhe plotësimin e borderosë së pagave për njësitë e qeverisjes së përgjithshme”, i cili është i publikuar në faqen zyrtare të Departamentit të Administratës Publike (DAP) në linkun <https://ëëë.dap.gov.al/legjislacioni/udhezime-manuale>.

61. Fondi rezervë për rritjen e pagave, i parashikuar për vitin 2023 do të përdoret për politika të reja pagash, sipas përcaktimeve që miratohen me vendim të Këshillit të Ministrave dhe do të shpërndahet nga Ministria e Financave dhe Ekonomisë, pas kërkesës së paraqitur nga institucionet zbatuese të përcaktuara në vendimet përkatëse të Këshillit të Ministrave.
- Për njësitë e vetqeverisjes vendore, shpërndarja e fondit rezervë për rritjen e pagave do të bëhet nga Ministria e Financave dhe Ekonomisë (Drejtoria e Përgjithshme e Buxhetit).

### **Fondi i Veçantë**

62. Fondi i veçantë i njësive të qeverisjes qendrore nuk është pjesë e fondit të pagave.
63. Nëpunësi i parë autorizues njofton nëpunësit autorizues të njësive të qeverisjes qendrore mbi shpërndarjen në nivel njësie të qeverisjes qendrore të një pjese të fondit të veçantë, të miratuar sipas nenit 12 të ligjit nr. 84/2022 “Për buxhetin e vitit 2023”, për t’u përdorur për vitin 2023, sipas tabelës 1 bashkëlidhur këtij udhëzimi, bazuar në ecurinë faktike të këtij zëri për vitin 2022. Brenda 10 ditëve të miratimit të këtij udhëzimi, nga ana e njësive të qeverisjes qendrore ky fond detajohet në nivel njësie shpenzuese sipas strukturës përkatëse buxhetore në artikullin 606 dhe paraqitet për miratim pranë nëpunësit të parë autorizues. Pasi miratohet ky fond bëhet efektiv në sistemin informatik financiar të qeverisë nga struktura përgjegjëse për buxhetin.
64. Në fondet e shpërndara sipas pikës 63, nuk përfshihen fondet për njësitë e vetëqeverisjes vendore, për Fondin e Sigurimeve Shoqërore, Fondin e Sigurimeve Shëndetësore, Universitetet, Qendrën Kombëtare të Biznesit për Bashkitë. Për këto institucione, kërkesa për përdorim nga fondi i veçantë me destinacion të përcaktuar në shkresë, paraqitet nga njësia shpenzuese në degën e Thesarit, duke respektuar kriteret e VKM-së nr.929 datë 17.11.2010, i ndryshuar. Në rast të përdorimit, ai transferohet nga vetë njësitë, nga artikulli 600 në artikujt 602 dhe 606, sipas natyrës së shpenzimit. Një kopje e kësaj kërkesë paraqitet nga dega e Thesarit, në Drejtorinë e Përgjithshme të Buxhetit për t’u regjistruar në Sistemin Informatik Financiar të Qeverisë me përjashtim të njësive të vetëqeverisjes vendore të cilat e paraqesin kërkesën vetëm në degën përkatëse të thesarit për të bërë të mundur regjistrimin në SIFQ.
65. Përdorimi i fondit të detajuar sipas përcaktimit në pikën 63, do të bëhet nga njësitë shpenzuese të qeverisjes qendrore në përputhje me kriteret e përcaktuara në Vendimin e Këshillit të Ministrave nr. 929 datë 17.11.2010 “Për krijimin dhe përdorimin e Fondit të veçantë”, i ndryshuar”, për përballimin vetëm të shpenzimeve për ndihma të menjëhershme (Art 606). Kërkesa për shpenzim së bashku me dokumentacionin përkatës paraqitet në degën e thesarit përkatës.
66. Përjashtim nga pika 63, bëjnë përdorimet e fondit të veçantë nga Ministria e Mbrojtjes, Ministria e Brendshme dhe SHISH, për ndihma të menjëhershme dhe shpërblime të akorduara sipas ligjeve të veçanta për raste specifike. Për këto raste, këto institucione i paraqesin kërkesat e tyre për miratim pranë nëpunësit të parë autorizues, si në rastin e përdorimit të fondeve ekzistuese të miratuara ashtu

edhe në rastin kur kërkohet akordim fondi shtesë. Fondet shtesë pas miratimit, bëhen efektive në sistemin informatik financiar të qeverisë nga struktura përgjegjëse për buxhetin. Kërkesa për shpenzim së bashku me dokumentacionin përkatës paraqitet në degën e thesarit përkatës.

67. Fondi i akorduar sipas pikës 63, mund të rialokohet nga njësitë e qeverisjes qendrore brenda të njëjtit program midis institucioneve. Kërkesa për rialokim të këtij fondi midis programeve paraqitet për miratim pranë nëpunësit të parë autorizues.
68. Kërkesat për fonde shtesë mbi fondin e akorduar sipas pikës 63, për përdorim të fondit të veçantë për ndihma të menjëhershme, shpërblime dhe aktivitete sipas përcaktimeve në VKM nr. 929, datë 17.11.2010, të ndryshuar, njësitë e qeverisjes qendrore e paraqesin për miratim pranë nëpunësit të parë autorizues.
69. Fondi i shpërndarë sipas tabelës I bashkëlidhur mund të rishpërndahet midis njësive të qeverisjes qendrore nga ana e nëpunësit të parë autorizues.
70. Përdorimet e fondit të vecantë nga njësitë e qeverisjes së përgjithshme do të rregjistrohen në artikujt 600, 602, 606 sipas natyrës së shpenzimit përkatësisht për shpërblime, për zhvillimin e aktiviteteve dhe ndihma të menjëhershme.

#### **Menaxhimi i likuiditetit**

71. Njësia e qeverisjes së përgjithshme paraqet urdhër-shpenzimin, duke përcaktuar qartë datën e pagesës së faturës sipas kontratës.
72. Në SIFQ regjistrohet data e faturës së furnitorit, data e urdhër-shpenzimit të përgatitur dhe paraqitur në Thesar nga njësia e qeverisjes së përgjithshme, data e regjistrimit të urdhër-shpenzimit në SIFQ, si dhe data në të cilën duhet të kryhet pagesa për faturën respektive, e cila duhet të jetë në përputhje me kushtet e kontratës. Ky rregull zbatohet edhe nga institucionet buxhetore që kanë akses të drejtpërdrejt në SIFQ.
73. Niveli (“buffer”) i gjendjes monetare të llogarisë së unifikuar të Thesarit “Depozitë e Qeverisë” përcaktohet si mesatarja mujore e shpenzimeve të planifikuara dhe të miratuara në ligjin vjetor të buxhetit për zërat: shpenzime korente të personelit, si dhe shpenzime sociale për ndihmën ekonomike dhe papunësinë (pagesat e shërbimit të borxhit mbulohen me emetimet e ankandeve të letrave me vlerë të qeverisjes qendrore), që përbën kufirin maksimal në fillim të çdo muaji. Kufiri minimal përcaktohet në bazë të të dhënave të parashikimit të flukseve monetare hyrëse dhe dalëse të llogarisë së unifikuar të Thesarit “Depozitë e Qeverisë” (versionit pesimist të Thesarit) në masën e mesatares së parashikimit të tre ditëve (rreth tre miliardë lekë) të pikut të muajit të mëparshëm.
74. Për sa përcaktuar më sipër niveli i “buffer” mund të jetë fleksibël gjatë zbatimit në përshtatje me kushtet aktuale.
75. Të dhënat e detyrimeve të prapambetura të regjistrohen kundrejt dokumentit “Urdhër regjistrimi të detyrimeve të prapambetura” në zbatim të Udhezimit Nr. 37, datë 06.10.2020 “Për monitorimin dhe

publikimin periodik të stokut të detyrimeve të prapambetura të qeverisjes së përgjithshme”, sipas formatit bashkëlidhur. (Shtojca 3/1“Urdhër rregjistrimi i detyrimeve të prapambetura”). Çdo muaj, deri në afatin e miratuar për publikimin e të dhënave përfundimtare të treguesve fiskale të konsoliduar, struktura përgjegjëse për Thesarin në degë kryhen rakordimin mujor me njësitë shpenzuese, të konfirmuar zyrtarisht nga nëpunësi autorizues. Të dhënat e agreguara të jenë pjesë përbërëse e raportimit mujor të treguesve fiskalë të konsoliduar në version përfundimtar.

76. Plani i arkës i papërdorur në fund të periudhës mujore të rishpërndahet në periudhat e mbetura të vitit.
77. Në kuadër të përmirësimit të parashikimeve të likuiditetit të qeverisjes së përgjithshme, për një menaxhim me efektiv dhe me kosto më të ulët të mjeteve monetare të qeverisë përcaktohen në vijim rregullat, procedurat dhe afatet që duhet të ndiqen në paraqitjen e parashikimeve të planit të arkës me frekuence mujore nga njësitë e qeverisjes së përgjithshme të përzgjedhura “pilot” në zbatim të asistencës teknike të huaj si më poshtë:
- a) Drejtoria e Përgjithshme e Doganave;
  - b) Ministria e Bujqësisë dhe Zhvillimit Rural;
  - c) Ministria e Arsimit dhe Sportit;
  - d) Bashkia Tiranë.

77.1 Nëpunësi zbatues i njësisë së qeverisjes së përgjithshme “pilot” të hartojë në kohë dhe rregullisht parashikime të besueshme dhe të sakta të të ardhurave dhe shpenzimeve të pritura për muajt e ardhshëm, bazuar në arkëtimet dhe pagesat e pritshme për kontratat dhe angazhimet e ndërmarra.

77.2 Parashikimet të përditësohen çdo muaj për të pasqyruar ndryshimet e mundshme në zbatimin e buxhetit.

77.3 Parashikimi i përditësuar i të ardhurave/shpenzimeve të njësisë së qeverisjes së përgjithshme “pilot” të dorëzohet nga nëpunësi autorizues i njësisë së qeverisjes së përgjithshme “pilot” në strukturën përgjegjëse për thesarin në ministrinë përgjegjëse për financat, zyrtarisht dhe në formë elektronike, brenda datës 25 të çdo muaji.

77.4 Nëpunësi autorizues i njësisë së qeverisjes së përgjithshme “pilot” të paraqesë të dhënat e parashikimit në formatet e përcaktuara në aneksin 11 dhe 12 të këtij udhëzimi.

77.5 Struktura përgjegjëse për thesarin në ministrinë përgjegjëse për financat të përdorë të dhënat e parashikimeve të njësisë të qeverisjes së përgjithshme “pilot” në hartimin e parashikimeve të likuiditeteve të qeverisë.

### **Transaksionet në valutë të huaj**

78. Gjatë procesit të menaxhimit të shpenzimeve të projekteve me financim të huaj, që administrohen me skemë të pjesshme Thesari, transfertat nga llogaritë speciale në Bankën e Shqipërisë në llogaritë

bankare të projekteve me financim të huaj, kryhen në monedhën shqiptare nga struktura qendrore përgjegjëse për Thesarin, përveç kontratave të lidhura në valutë të huaj dhe të shprehura në nenin e veçantë të kontratës për mënyrën e pagesës, sipas paragrafit 151 të udhëzimit të ministrit përgjegjës për financat nr.9 datë 20.03.2018.

### **Llogaritë speciale**

79. Transferta nga qeverisja qendrore për fondet speciale e miratuar në buxhetin vjetor 2023, do të bëhet duke marrë parasysh gjëndjen e llogarisë bankare të mbartur nga viti i mëparshëm sipas procedurës si më poshtë:

- Transferta për fondet speciale e miratuar në buxhetin vjetor 2023, do të çelet nga Ministria e Financave dhe Ekonomisë, nëpërmjet degës së thesarit tek njësia publike respektive (Instituti i Sigurimeve Shoqërore, Fondi i Sigurimit të Detyrueshëm për Kujdesin Shëndetësor dhe Agjensia e Trajtimit të Pronave) kundrejt paraqitjes nga ana e saj të ekstraktit më të fundit të llogarisë bankare (në Bankën e Shqipërisë dhe në bankat e nivelit të dytë).
- Përgjegjësi i degës, pasi analizon argumentet e paraqitura për gjëndjen e llogarive nga strukturat përgjegjëse për fondet speciale, urdhëron kryerjen e plotë apo të pjesshme të transfertës nga llogaria e unifikuar e thesarit “Depozitë e qeverisë”. Nëse gjendja e llogarisë bankare është më e lartë se sa nevojat për transfertë nga buxheti, dega e thesarit nuk miraton kryerjen e saj. Çdo mosmarrëveshje zgjidhet nga Drejtoria e Përgjithshme e Thesarit në Ministrinë e Financave dhe Ekonomisë.

### **Llogaria speciale e ish të përndjekurëve politikë**

80. Nëpunësi autorizues i Ministrisë së Shëndetësisë dhe Mbrojtjes Sociale përdor fondet e planifikuara për të përndjekurit politikë në grupin 13, në masën dhe sipas listë-pagesave të miratuara nga Nëpunësi i Parë Autorizues.

81. Në vijim të Udhëzimit nr. 5 dt.15/04/2016 “Procedurat e përlllogaritjes së përfitimeve nga ligjet e mëparshme dhe të pagesave të dëmshpërblimit për ish të dënuarit politik të regjimit komunist”, shtojmë sqarimin si më poshtë:

- Struktura përgjegjëse në Ministrinë e Financave dhe Ekonomisë harton listë-pagesën dhe mbi bazën e tyre përpilon përmbledhësen për çdo bankë. Përmbledhësja totale e pagesave, e detajuar për çdo bankë të nivelit të dytë, i dërgohet Nëpunësit Autorizues të Ministrisë së Shëndetësisë dhe Mbrojtjes Sociale për procedimin e pagesës në llogaritë e bankave të nivelit të dytë, nëpërmjet strukturës përgjegjëse të Thesarit në degë.

82. Në prioritetet e pagesave sipas pikës 151 të Udhëzimit nr. 9, datë 20.03.2018, Për procedurat standarte të udhëzimit të buxhetit”, të konsiderohet prioritet “transaksioni i pagesës për dëmshpërblimin e ish-të dënuarve”, në renditje direkt pas pagesës “ndihmë ekonomike”.

83. Çdo pagese e procesuar në bankat e nivelit të dytë që rezultojnë me instruksione të gabuara bankare të

kthehet brenda 24 orëve për t'u riprocesuar pas korrigjimit të gabimit.

### **Llogaria speciale e shpronësimeve në Bankën e Shqipërisë**

**84.** Llogaria “Fondi i Shpronësimeve” në Bankën e Shqipërisë përbëhet nga:

- a. Gjendja e trashëguar nga vitet e kaluara e papërdorur, por e angazhuar tërësisht me vendime të Këshillit të Ministrave, që ka mbetur në llogarinë e unifikuar të Thesarit “Depozitë e Qeverisë” në Bankën e Shqipërisë, e cila do të përdoret me paraqitjen e listës së përfituesve në zbatim të VKM-ve të miratuara. Strukturat përgjegjëse të njësive shpenzuese të qeverisjes së përgjithshme duhet të saktësojnë listat përpara tre viteve të mëparshme dhe të raportojnë zyrtarisht (me protokoll dhe në format elektronik) gjendjen e saktësuar në strukturën përgjegjëse për Shpronësimet në Ministrinë e Infrastrukturës dhe Energjisë (MIE), e cila ia komunikon strukturës përgjegjëse për Thesarin në Ministrinë e Financave dhe Ekonomisë (MFE).
- b. Shuma e papërdorur deri më datën 31 Dhjetor të vitit 2022 dhe e paangazhuar me Vendime të Këshillit të Ministrave do të përdoret në vitin 2023 e vazhdim, për shpronësime në proces apo shpronësime të reja sipas VKM-ve të miratuara.
- c. Në zbatim të Udhëzimit Nr. 33, datë 02.12.2022 “Për një ndryshim në Udhëzimin Nr. 7, datë 07.05.2007 “Për Përdorimin e Fondit të Shpronësimeve”” kërkesa për shpronësim të pronarëve sipas listës së përfituesve të miratuar me VKM-në përkatëse paraqitet në strukturën përgjegjëse për Thesarin në qendër pranë MFE nga Agjencia Shtetërore për Shpronësimin nëpërmjet MIE.

### **Llogari të veçanta në bankat e nivelit të dytë**

**85.** Bazuar në fondet buxhetore në dispozicion, nëpunësit autorizues të njësive të qeverisjes së përgjithshme urdhërojnë kryerjen e shpenzimeve në zbatim të udhëzimit për mbylljen e llogarive vjetore të ministrit përgjegjës për financat , përveç rasteve specifike të mëposhtme:

- a. Ekzistenca e dokumentacionit që provon shpenzimin e ndodhur (fatura e furnitorit) nuk mund të shoqërohet me marrjen në dorëzim të mallit/shërbimit brenda afatit të përcaktuar në paragrafin e mesiperm për kushte specifike të prodhimit të mallit (si furnizimet strategjike: armatime, helikopterë, rezonanca magnetike, etj.) apo kryerjes së shërbimit (mirëmbajtjes së objekteve të rëndësishme strategjike, etj.)
- b. Përdorimi i mallit apo kryerja e shërbimit ndikon në mosfunksionimin normal të njësisë shpenzuese të qeverisjes së përgjithshme dhe është i pamundur planifikimi për vitin e ardhshëm buxhetor.

**86.** Për rastet e përmendura në pikën e mësipërme lejohet përdorimi i formës së pagesës me Letër Krediti (LC) sipas përcaktimeve të nënshkuara në kontratën me operatorët ekonomikë në bazë të urdhrimit të ministrit përgjegjës për financat, në zbatim të pikës 160 të Udhëzimit të Përhershëm nr. 9 datë 20.03.2018 “Për procedurat standarde të zbatimit të buxhetit”.

87. Struktura përgjegjëse për Thesarin në degë, pranon njohjen dhe regjistrimin në Sistemin Informatik Financiar të Qeverisë të shpenzimeve për llogari të vitit 2022, që konstatohen në zbatim të pikës së mësipërme. Regjistrimi i faturave duhet të përfundojë dhe të kryhet rakordimi përfundimtar me institucionin, sipas afatit të caktuar në udhëzimin e mbylljes së llogarive vjetore. Pagesa kryhet nga llogaria e unifikuar e Thesarit “Depozitë e Qeverisë” në një llogari të veçantë të çelur në bankën e nivelit të dytë me emërtimin e projektit të kontratës, sipas përcaktimeve të nënshkruara me operatorin ekonomik. Gjendja në fund të vitit 2022 e llogarive të veçanta bankare në pronësi të njësisve shpenzuese të qeverisjes së përgjithshme që krijohen nga përdorimi i formës së pagesës me Letër Krediti si më sipër, raportohet në të dhënat e treguesve fiskale të konsoliduar të qeverisjes së përgjithshme në zërin “Të tjera” të burimeve të brendshme të financimit.
88. Në vijim të VKM nr. 740, datë 12.12.2018 “Për caktimin e masës së ndihmës së menjëhershme financiare (bonus) për nënat me foshnjë të porsalidura dhe procedurën e dhënies së tij” transfertat nga llogaria e unifikuar e Thesarit “Depozitë e qeverisë” në Bankën e Shqipërisë në llogarinë bankare të veçantë “Ministria e Shëndetësisë dhe Mbrojtjes Sociale - Bonus për nënat me foshnja të porsalidura” në bankën e nivelit të dytë do të kryhet kundrejt paraqitjes nga struktura përgjegjëse e institucionit të ekstraktit të fundit bankar në strukturën përgjegjëse për Thesarin në degë.
89. Përgjegjësi i degës së Thesarit, pas argumentimit të pamjafueshmërisë së gjendjes së llogarisë bankare të veçantë nga strukturat përgjegjëse e institucionit, autorizon kryerjen e plotë apo të pjesshme të transfertës. Nëse gjendja e llogarisë bankare është më e lartë se sa nevojat për transfertë, struktura përgjegjëse për Thesarin në degë nuk autorizon kryerjen e saj.”

#### **Të ardhurat jashtë limitit**

90. Në të ardhurat jashtë limitit, të cilat mbarten në vitin buxhetor pasardhës, përveç përcaktimit në Udhëzimin e “Procedurave standarde të zbatimit të buxhetit”, përfshihen edhe të hyrat e mëposhtme:
- a. Të hyrat që mblidhen nga Zyrat e Përmbarimit për llogari të të tretëve;
  - b. Të ardhurat që institucionet sportive arkëtojnë nga pjesa që u takon me ligj nga loto sportive ose nga sponsorizimet e tjera;
  - c. Fondet e akorduara nga Kompania Energjetike Shqiptare për përballimin e dëmeve nga përmbytjet;
  - d. Të ardhurat nga organizmat e vlerësimit të konformitetit për Drejtorinë e Përgjithshme të Akreditimit, që përdoren për pagesën e vlerësuesve të kontraktuar nga kjo drejtori në zbatim të ligjit nr. 9824 datë 01.11.2007 “Për akreditimin e organizmave të vlerësimit të konformitetit në Republikën e Shqipërisë”, VKM -së nr. 1716, datë 03.10.2008 “Për mënyrën e organizimit dhe funksionimit të Drejtorisë së Përgjithshme të Akreditimit” dhe standardit S SH ISO 17011:2005 që rregullon veprimtarinë e organizmave akreditues;

- e. Të ardhurat nga Parku Kombëtar i Butrintit;
- f. Të ardhurat nga pagesat e kryera nga deklaruesit për shërbimin e kryerjes së analizave laboratorike për verifikime doganore, në zbatim të marrëveshjes së asistencës ndërmjet Agjencisë së Doganave Italiane, Inspektoratit Qendror Teknik, Institutit të Ndërtimit, Universitetit të Tiranës, Universitetit “Aleksandër Xhuvani” Elbasan dhe Strukturës Përgjegjëse për Doganat Shqiptare në fushën e laboratorëve kimikë doganorë;
- g. Të ardhurat e realizuara nga shitja e mallrave rezervë shtetërore gjatë procesit të freskimit të mallrave rezervë dhe që përdoren për zëvendësimin e mallrave të shitura;
- h. Të ardhurat gjendje të mbledhura nga arkëtimi i detyrimeve nga furnizimi me karburant pa akcizë për mekanikën bujqësore, serat me ngrohje dhe subjektet, që kanë kaldaja në linjat e përpunimit të qumështit, të cilat trajtohen sipas VKM-së nr. 438, datë 20.05.2015 “Për krijimin e fondit Kombëtar të garancisë për kreditimin e bujqësisë dhe zhvillimin rural”;
- i. Të ardhurat nga shoqëritë e sigurimit për pagesat që do të kryhen për rastet e dëmtimit të mjeteve të siguruara;
- j. Të ardhurat nga shoqëritë e sigurimit për pagesat që do të kryhen për rastet e dëmtimit të godinave të siguruara. Të gjitha të ardhurat e këtij lloji të realizuara në vitin 2019 do të mbarten në vitin 2020.
- k. Të ardhurat e realizuara nga pagesat e kryera nga operatori ekonomik për mbulimin e shpenzimeve për punonjësit e rekrutuar në mbështetje të kontratës specifike të nënshkruar midis tyre dhe Drejtorisë së Përgjithshme të Doganave, në zbatim të VKM-së nr. 143, datë 13.02.2013, “Për disa shtesa në Vendimin nr. 205, datë 13.04.1999 të Këshillit të Ministrave, ‘Për dispozitat zbatuese të Kodit Doganor’”;
- l. Të ardhurat e realizuara nga fondet e transferuara nga ana e partive politike për llogari të Komisionit Qendror të Zgjedhjeve (KQZ), të cilat përdoren për kryerjen e pagesave të ekspertëve kontabël të licencuar në zbatim të ligjit nr. 10374, datë 10.02.2011 “Për partitë politike”, të ndryshuar;
- m. Të ardhurat e institucioneve, të realizuara nga fondet e akorduara nga “Fondi i Posaçëm për Parandalimin e Kriminalitetit dhe Edukimit Ligjor”;
- n. Të ardhurat si mjete në ruajtje, të realizuara nga shitja e objekteve nën administrimin e Ndërmarrjeve, në zbatim të VKM-së nr. 418 datë 09.07.1998, të ndryshuar;
- o. Të ardhurat e arkëtuara nga shërbimet e realizuara nga Agjencia e Sigurimit të Cilësisë në Arsimin e Lartë;
- p. Të ardhurat e përftuara nga kontributet e detyrueshme që nga krijimi i “Fondit të çështjeve të mira”, si edhe të ardhurat e institucioneve buxhetore të realizuara nga fondet e akorduara nga “Fondi i çështjeve të mira”, në zbatim të VKM-së nr.192, datë 04.03.2015 “Për përcaktimin e procedurave dhe kriterëve për përzgjedhjen e projekteve, organizatave apo eventeve nga ‘Bordi i

- çështjeve të mira të Lotarisë Kombëtare”;
- q. Të ardhurat e Ministrisë përgjegjëse për Energjinë që sigurohen nga zbatimi i VKM-së nr. 522 datë 30.6.2010 të Këshillit të Ministrave “Për shpronësimin, për interes publik, të pronarëve të pasurive të paluajtshme, pronë private që preken nga shpronësimi për qëllim ndërtimi, pronësisë, shfrytëzimit, mirëmbajtjes dhe transferimit në favor të shtetit, të projektit të një hidrocentrali të ri në Ashtë, në qarkun e Shkodrës”, të ndryshuar”.
  - r. Të ardhurat e Ministrisë përgjegjëse për Energjinë që sigurohen në zbatim të pikës 4, nenit 27, të ligjit nr. 9632, datë 30.10.2006 “Për sistemin e taksave vendore”, ndryshuar me ligjin nr. 10073, datë 09.02.2009 “Për një shtesë në ligjin nr.9632, datë 30.10.2006 “Për sistemin e taksave vendore” në të cilin thuhet: *“Detyrimi për taksën i takon investitorit. E ardhura nga taksat, për çdo rast, mbledhet nga organi që lëshon lejen e ndërtimit dhe arkëtohet, për çdo rast për llogari të bashkisë ose të komunës, që mbulon territorin ku bëhet investimi”*.
  - s. Fondet buxhetore të kthyera nga partitë politike pas shpalljes së rezultatit përfundimtar të zgjedhjeve, të cilat do të rishpërndahen nga Komisioni Qendror i Zgjedhjeve në bazë të Vendimit të KQZ, në përputhje me përcaktimet e ligjit nr. 10 019, datë 29.12.2008 “Kodi Zgjedhor i Republikës së Shqipërisë”.
  - t. Të ardhurat nga përdorimi i të drejtës së autorit në zbatim të ligjit 35/2016 ‘Për të drejtën e autorit dhe të drejtat e tjera të lidhura me to.
  - u. Arkëtimet e kontributeve vullnetare të kontabilizuara në llogarinë ekonomike 7207013 – “Donacione për emergjencat dhe fatkeqësi natyrore” çelur në planin kontabël posaçërisht për gjendjen e shpallur të fatkeqësisë natyrore dhe emergjencës nga Këshilli i Ministrave trashëgohen në vitin 2020 dhe perdoren ne vijim;
  - v. Të ardhurat që i mbeten në përdorim Drejtorisë së Përgjithshme të Arkivave në zbatim të pikës 1.b të Udhëzimit të përbashkët “Për krijimin dhe administrimin e të ardhurave buxhetore të Drejtorisë së Përgjithshme të Arkivave”.
  - x. Të ardhurat për shërbimet ndaj të tretëve, të arkëtuara nga Agjencia për Eficiencën e Energjisë, të cilat do të përdoren për financimin e projekteve për instalimin e paneleve diellore, për ngrohjen e ujit sanitar për klientët familjarë, në zbatim të nenit 7, të Aktit Normativ nr. 14, datë 5.10.2022 “Për marrjen e masave të veçanta gjatë kohëzgjatjes së gjendjes së emergjencës në furnizimin me energji elektrike.”
91. Në të ardhurat jashtë limitit që nuk mbarten në vitin buxhetor pasardhës, përveç përcaktimit në Udhëzimin nr.9 datë20.03.2018 “Për procedurat standarde të zbatimit të buxhetit”, përfshihen edhe të ardhurat e mëposhtme:
- a. Të ardhura nga shitja e dokumentacionit tatimor, pullave fiskale dhe biletave të transportit rrugor;
  - b. Të ardhurat nga shtëpitë e pushimit të Ministrisë së Brendshme, Shërbimit Informativ

- Shtetëror, si dhe të ardhurat nga shërbimi i transportit të mjeteve të bllokuara (karro-atreci) dhe të ardhurat nga parkimi”;
- c. Të ardhurat deri në 10 milionë lekë, që siguron çdo vit Drejtoria e Përgjithshme e Metrologjisë nga shërbime metrologjie, në zbatim të VKM-së nr.571 datë 29.08.2012;
  - d. Të ardhurat që krijohen nga tarifa gjyqësore sipas përcaktimeve të ligjit nr. 98/2017 “Për tarifatat gjyqësore në Republikën e Shqipërisë”.
  - e. Të ardhurat e Ministrisë së Mbrojtjes që do të sigurohen nga shitja e armëve, teknikës, pajisjeve, municioneve dhe lëndëve eksplozive të Forcave të Armatosura për përdorim ushtarak/ jo për përdorim ushtarak/për çmontim e çmilitarizim, shitja e pjesëve të këmbimit të teknikës dhe pajisjeve, shitja e materialeve që përfitohen nga asgjësimi e shkatërrimi i armëve, teknikës, pajisjeve, municioneve dhe lëndëve eksplozive, sipas VKM nr.463 datë 09.07.2014;
  - f. Të ardhurat që siguron Ministria e Financave dhe Ekonomisë nga kontratat e qirasë të lidhura nga ndërmarrjet dhe shoqëritë shtetërore me kapital 100 për qind shtetëror, të cilat i përdor në zbatim të VKM nr.54 datë 05.02.2014 “Për mbulimin e shpenzimeve të shoqërive me kapital 100 për qind, që rezultojnë me vështirësi financiare, si edhe për pagesën e ekspertëve që hartojnë vlerësimin e investimeve të kryera nga qiramarrësit për kontratat e qirasë ose të enfiteozës të lidhura për pasuri ku sipërfaqja e truallit është mbi 500 m<sup>2</sup>”;
  - g. Shuma deri në 2% e të ardhurave tatimore të mbledhura, bazuar në nenin 21 të ligjit nr. 9920, datë 19.5.2008 “Për procedurat tatimore në Republikën e Shqipërisë”, i ndryshuar dhe VKM nr.991 datë 09.12.2015, të cilat përdoren nga Drejtoria e Përgjithshme e Tatimeve;
  - h. Të ardhurat nga shërbimi pyjor në zbatim të ligjit nr.9385 datë 04.05.2005, i ndryshuar.
  - i. Të ardhurat e Ministrisë së Punëve të Brendshme, që sigurohen nga marrëveshja ndërmjet Drejtorisë së Policisë së Shtetit dhe shoqërisë së huaj “SPIECAPAG-Shqipëri”, për ofrimin e shërbimeve që kanë lidhje me eskortimin e mjeteve jashtë norme dhe të veçanta, gjatë të gjithë periudhës së ndërtimit të gazsjellësit TAP në territorin shqiptar, deri në përfundimin e projektit “Gazsjellës TAP”.
  - j. Të ardhurat që siguron Shkolla Shqiptare e Administratës Publike (ASPA) nga pagesat e personave jashtë shërbimit civil, për trajnimet në programin e formimit të thelluar, në programet e formimit të vazhdueshëm si edhe nga trajnimi për përgatitjen paraprake të kandidatëve për të marrë pjesë në konkurrimin e hapur për kategorinë ekzekutive. Këto të ardhura do të përdoren nga ASPA vetëm për përballimin e kostos së veprimtarisë prej së cilës janë krijuar këto të ardhura dhe konkretisht:
    - *Shpenzime për pagesën e trajnuesve dhe hartimin e kurrikulave*
    - *Shpenzime për kancelari*
    - *Shpenzime për materiale e shërbime që lidhen me trajnimin*
    - *Shpenzime për qiramarrje ambjentesh për trajnim*

- k. Fondet e akorduara nga Drejtoria e Përgjithshme e Shërbimit të Transportit Rrugor për llogari të Drejtorisë së Përgjithshme të Tatimeve të cilat do të përdoren për kryerjen e pagesave të ndihmës financiare në zbatim të VKM-së nr. 651, datë 13.8.2020 “Për përcaktimin e procedurave, të dokumentacionit dhe të masës së përfitimit të ndihmës financiare, si pasojë e COVID-19, për të punësuarit apo ish-të punësuarit në subjektet e transportit publik, qytetas dhe ndërqytetas”, i ndryshuar.
- l. Të ardhurat e gjeneruara nga tarifat që paguhen në zonat e mbrojtura në zbatim të VKM nr. 1156, datë 24.12.2020.
- m. Shuma prej 50% e të ardhurave që sigurohen nga procesi i akreditimit të institucioneve të kujdesit shëndetësor, në zbatim të VKM-së nr. 865, datë 24.12.2022 “Për mënyrën e kryerjes së procesit të akreditimit të institucioneve të kujdesit shëndetësor e përcaktimin e tarifave e afateve kohore”.

## II. Krite dhe procedura specifike shtesë për zbatimin e buxhetit vendor

92. Transferta e pakushtëzuar e përgjithshme për njësitë e vetëqeverisjes vendore (bashki dhe qarqe), çelet në strukturën: Ministria e Linjës 00, Program 04960, Kapitull 01, e ndarë në katër 3 mujorë, si vijon:
- a. *Për bashkitë dhe qarqet në tremujorin e parë 30%, të dytin 25%, të tretin 23% dhe të katërtin 22%.*
- Kur njësia e vetëqeverisjes vendore kërkon avancim të limitit tremujor të transfertës së pakushtëzuar të përgjithshme, duhet t'i drejtojë zyrtarisht Nëpunësit të Parë Autorizues një kërkesë të argumentuar për avancim fondi. Nëpunësi i Parë Autorizues pas marrjes së kërkesës nga njësia e vetëqeverisjes vendore vlerëson kërkesën dhe vendos për avancimin ose jo të fondeve.
93. Transferta e pakushtëzuar sektoriale për njësitë e vetëqeverisjes vendore (bashkitë), çelet në strukturën: Ministria e Linjës 00, Program xxxxx, Kapitull 01, e ndarë në katër tre-mujorë, si vijon:
- a. *Për bashkitë në tremujorin e parë 30 %, të dytin 25%, të tretin 23% dhe të katërtin 22%.*
94. Fondet e papërdorura të transfertës së pakushtëzuar të trashëguar nga viti 2022, të rregjistrohen në Kapitullin 01, për t'iu shtuar fondeve të transfertës nga qeverisja qendrore për vitin 2023.
95. Fondet e papërdorura të transfertës së pakushtëzuar sektoriale sipas funksioneve, të trashëguara nga viti 2022, të rregjistrohen në Kapitullin 01, për t'iu shtuar fondeve të transfertës nga qeverisja qendrore për vitin 2023. Këto fonde do të përdoren për të rritur cilësinë e shërbimit në këto sektorë.
96. Sipas aneksit 4 të ligjit nr.84/2022, “Për buxhetin e vitit 2023”, në transfertën e bashkive: Berat, Cërrik, Dibër, Durrës, Elbasan, Fier, Gjirokastrë, Gramsh, Has, Kavajë, Kolonjë, Korçë, Kukës, Lezhë, Lushnjë, Malësi e Madhe, Mat, Mirëditë, Përmet, Pukë, Sarandë, Shkodër, Skrapar, Tepelenë, Tiranë, Vau i Dejës, Vlorë, janë të përfshira edhe fondet për paga, sigurime shoqërore për personelin e konvikteve të arsimit parauniversitar, shpenzimet operative dhe shpenzimet për

investime.

97. Sipas aneksit 4, të ligjit nr.84/2022, “Për buxhetin e vitit 2023”, në transfertën e bashkive: Berat, Elbasan, Kuçovë, Kukës, Fier, Shkodër dhe Vau i Dejës, janë të përfshira edhe fondet për paga dhe sigurime shoqërore për personelin e shërbimit dhe shpenzimet operative për qendrat: “Lira”, Berat, “Balash”, Elbasan, “Besa” Vau i Dejës, “Horizont”, Fier “Opera Della Madonnina Della Grappa”, Shkodër dhe qendrat ditore të fëmijëve me aftësi të kufizuara për bashkitë: Kuçovë, Kukës dhe Shkodër.
98. Sipas aneksit 4 të ligjit nr.84/2022, “Për buxhetin e vitit 2023”, në transfertën e pakushtëzuar sektoriale të bashkisë Tiranë, janë përfshirë edhe fondet për paga dhe sigurime shoqërore për personelin dhe shpenzimet operative të klubeve sportive shumësportëshe “Partizani” dhe “Studenti”.
99. Sipas aneksit 4, të ligjit nr.84/2022, “Për buxhetin e vitit 2023”, në transfertën e pakushtëzuar sektoriale të bashkive janë të përfshira:
- Fondet për paga dhe sigurime shoqërore për personelin arsimor në arsimin parashkollor;
  - Fondet për paga dhe sigurime shoqërore për shërbimet mbështetëse në arsimin bazë (parashkollori dhe Qendrat Kulturore) dhe të personelit të shërbimeve mbështetëse për arsimin e mesëm;
  - Fondet për funksionin e Mbrojtjes nga Zjarri dhe Shpëtimi.
  - Fondet për funksionin e administrimit të pyjeve. Në këtë zë janë të përfshira edhe fondet për paga dhe sigurime shoqërore për rojet e pyjeve;
  - Fondet për funksionin e ujitjes dhe kullimit. Në këtë zë janë të përfshira edhe fondet për paga, sigurime shoqërore për drejtuesit e eskavatorëve, si dhe shpenzimet operative dhe të mirëmbajtjes për eskavatorët;
  - Fondet për rrugët rurale të transferuara nga qarku në bashki.
100. Sipas aneksit 7, të ligjit nr.84/2022, “Për buxhetin e vitit 2023”, në transfertën e pakushtëzuar sektoriale për vitin 2023 për bashkitë Malësi e Madhe, Shkodër, Vau i Dejës, Pukë, Fushë Arrëz, Lezhë, Kurbin, Krujë, Durrës, Vorë, Kamëz, Shijak, Kavajë, Librazhd, Elbasan, Rrogozhinë, Peqin, Cërrik, Belsh, Prrenjas, Gramsh, Himarë, Sarandë, Gjirokastër, Tepelenë, Memaliaj, Këlcyrë, Përmet, Libohovë dhe Dropull janë akorduar fonde shtesë për mbështetjen e bashkive për mirëmenaxhimin e mbetjeve urbane.
101. Për bashkitë Korçë, Mirditë dhe Gjirokastër, si bashki pilot lidhur me mënyrën e re të buxhetimit, buxheti 2023 do të paraqitet në programet e reja buxhetore sipas metodologjisë së re. Bashkitë pilot do të dakordësohen me Ministrinë e Financave dhe Ekonomisë për kodifikimin e programeve dhe produkteve si dhe emërtesat e tyre. Buxhetet e programeve në sistemin e thesarit do të jenë rezultat i buxheteve sipas produkteve të tyre (pra detajimi do të jetë në nivel produkti/projekti).

Rast pas rasti nëse këto bashki do të kenë nevojë për çeljen e një produkti/projekti të ri, ato do të paraqitin kërkesën në Ministrinë e Financave dhe Ekonomisë (Drejtoria e Përgjithshme e Buxhetit/Drejtoria e Financave Vendore), për kodifikimin dhe emërtimin e produktit. Drejtoria e Përgjithshme e Buxhetit/Drejtoria e Financave Vendore, pas vlerësimit dhe miratimit të kërkesës së njvqv-së e dërgon në Drejtorinë e Përgjithshme të Thesarit/Drejtorinë e Procesimit të Biznesit për çeljen e kodit në sistemin e thesarit SIFQ.

102. Çdo njësi e vetëqeverisjes vendore rishikon dhe përgatit buxhetin përfundimtar për miratim në Këshillin e saj. Buxheti i miratuar nga Këshilli, dërgohet në Ministrinë e Financave dhe Ekonomisë në rrugë elektronike dhe me shkresë zyrtare, sipas procedurave të përcaktuara në Udhëzimin e ministrit të Financave dhe Ekonomisë nr.9 datë 20.03.2018 “Për procedurat standarde të zbatimit të buxhetit”.
103. Në vijim të përcaktimeve në Udhëzimin e ministrit të Financave dhe Ekonomisë “Për procedurat standarde të zbatimit të buxhetit” (pjesa e buxhetit vendor), procedura plotësuese për vitin 2023, janë si vijon:
- Për funksionet e deleguara, “Shpenzimet për mbrojtjen sociale”. Ministria e Shëndetësisë dhe Mbrojtjes Sociale, për vitin 2023, detajon fondet e mbrojtjes sociale në mënyrë periodike, për çdo njësi të vetëqeverisjes vendore, si dhe në mënyrë specifike për ndihmën ekonomike dhe për pagesën e paafësisë. Njësitë e vetëqeverisjes vendore janë të detyruara të respektojnë destinacionin e përcaktuar nga Ministria e Shëndetësisë dhe Mbrojtjes Sociale. Fondet e mbrojtjes sociale delegohen si transfertë e kushtëzuar për çdo njësi të vetëqeverisjes vendore. Ministria e Shëndetësisë dhe Mbrojtjes Sociale, në detajimin e fondeve të mbrojtjes sociale, në mënyrë periodike, do të vlerësojë nevojat e njësisve të vetëqeverisjes vendore, duke mbajtur parasysh gjendjen e varfërisë, të cilat vlerësohen bashkërisht, duke dhënë peshë specifike të qarta, objektive, transparente dhe mbi bazë kriteresh të përcaktuara;
  - Fondet e ndihmës ekonomike dhe të paafësisë që shpërndahen në njësitë e vetëqeverisjes vendore, si dhe kriteret e parimet e përdorura për shpërndarjen e tyre bëhen publike për të gjitha bashkitë;
  - Ministria e Shëndetësisë dhe Mbrojtjes Sociale brenda buxhetit të miratuar të vitit 2023, mund të bashkëfinancojë ose të financojë qendra sociale në njësitë e vetëqeverisjes vendore.
104. Fondi për programin për Infrastrukturën Vendore dhe Rajonale do të shpërndahet në bazë të kriterëve dhe procedurave të parashikuara në aneksin nr. 3, të ligjit nr.84/2022, “Për buxhetin e vitit 2023”.
105. Fondi për Parandalimin dhe Menaxhimin e Fatkeqësive Natyrore, përcaktuar sipas nenit 15 të ligjit nr.84/2022, do të shpërndahet me VKM në bazë të kriterëve dhe procedurave të parashikuara në Aneksin nr.6 të ligjit nr.84/2022 “Për buxhetin e vitit 2023”.
106. Në bazë të nenit 15 ligjit nr.84/2022 “Për buxhetin e vitit 2023”, personeli administrativ i Këshillit të Qarkut nuk mund të jetë më shumë se 10 veta. Në personelin administrativ bëjnë pjesë punonjësit

jo të zgjedhur.

107. Gjatë zbatimit të buxhetit, njësitë e vetëqeverisjes vendore nuk mund të ndryshojnë destinacionin e përdorimit të transfertave të pakushtëzuara sektoriale ose t'i kalojnë nga njëri funksion te tjetri. Këto fonde do të përdoren sipas destinacionit të përcaktuar në tabelën nr.3 të ligjit të buxhetit të vitit 2023. Fondet e trashëguara nga transfertat e pakushtëzuar sektoriale përdoren për rritjen e cilësisë së shërbimit të funksioneve përkatëse. Fondet e veta (transferta e pakushtëzuar dhe të ardhurat e veta), bashkë mund t'i përdorin për përmirësimin apo rritjen e cilësisë së funksioneve, të cilat financohen me transfertë të pakushtëzuar sektoriale. Kur njësi e vetëqeverisjes vendore kërkon ndryshim të destinacionit për përdorimin e transfertave të pakushtëzuara sektoriale, duhet t'i drejtojë zyrtarisht Nëpunësit të Parë Autorizues një kërkesë të argumentuar për këtë ndryshim. Nëpunësi i Parë Autorizues pas marrjes së kërkesës nga njësi e vetëqeverisjes vendore vlerëson kërkesën dhe vendos për ndryshimin ose jo të destinacionit të përdorimit të fondeve.
108. Në zbatim të ligjit nr. 9975, datë 28.07.2008, "Për taksat kombëtare", të ndryshuar, 5 për qind e të ardhurave nga renta minerare i takojnë njësisë së vetëqeverisjes vendore ku zhvillohet veprimtaria minerare. Të ardhurat nga renta minerare përdoren për investime nga njësitë e vetëqeverisjes vendore. Renta minerare e mbledhur për periudhën tatimore dhjetor 2022, të cilën drejtoritë rajonale të tatimeve/degët e doganave e raportojnë pranë Ministrisë së Financave dhe Ekonomisë, në vitin 2023, llogaritet si rentë për vitin 2023, kurse renta që do të mblihet për periudhën tatimore dhjetor 2023 llogaritet si rentë për vitin 2024. Procedura më të detajuara mbi rentën minerare janë të përcaktuara në Udhëzimin e ministrit të Financave nr. 26, datë 4.9.2008, "Për taksat kombëtare", të ndryshuar.
109. Në zbatim të gërmës ç, pika 2 e nenit 25 të ligjit nr. 68, datë 27.04.2017 "Për financat e vetëqeverisjes vendore", njësitë e vetëqeverisjes vendore janë përfituese të 2% nga Tatimi mbi të Ardhurat Personale që realizohen në juridiksionin e tyre. Për shpërndarjen e këtij burimi të ardhurave për njësitë e vetëqeverisjes vendore Ministria e Financave dhe Ekonomisë çdo 4 muaj pas publikimit të treguesve fiskalë do t'i dërgojë Drejtorisë së Përgjithshme të Tatimeve, vlerën takuese për t'u shpërndarë sipas bashkive. Kriteri i shpërndarjes së Tatimit mbi të Ardhurat Personale për çdo bashki do të jetë numri i popullsisë së përdorur për shpërndarjen e transfertës së pakushtëzuar për vitin 2023. Tatimi mbi të Ardhurat Personale i mbledhur për periudhën tatimore dhjetor 2022, i cili raportohet në vitin 2023, do të llogaritet si pjesë e tatimit mbi të ardhurat personale që i takon njërive të vetëqeverisjes vendore për vitin 2023, kurse tatimi mbi të ardhurat personale që do të mblihet për periudhën tatimore dhjetor 2023, do të llogaritet si pjesë e tatimit mbi të ardhurat personale që i takon njërive të vetëqeverisjes vendore për vitin 2024.
110. Për llogaritjen e të ardhurave nga taksat dhe tarifatat vendore njësitë e vetëqeverisjes vendore bazohen në ligjin nr. 9632, datë 30.01.2006, "Për sistemin e taksave vendore", të ndryshuar", si dhe ligjin nr.68, datë 27.04.2017 "Për financat e vetëqeverisjes vendore".

111. Bashkitë kanë kompetencë të plotë për të siguruar ndërtimin, rehabilitimin dhe mirëmbajtjen e ndërtesave arsimore të sistemit shkollor parauniversitar, në komunitetin e tyre, me përjashtim të shkollave profesionale. Fondet për mirëmbajtjen dhe funksionimin e ambienteve të arsimit parauniversitar janë të përfshira në burimet e veta vendore. Çdo bashki vendos nivelin e financimit që ajo akordon për këtë funksion nga të gjitha burimet e disponueshme në buxhetin e tyre. Shpenzimet e lidhura me funksionimin dhe mirëmbajtjen e ambienteve të arsimit parauniversitar miratohen si pjesë e buxhetit të çdo bashkie.
112. Të gjitha njësitë e vetëqeverisjes vendore të marrin masat e nevojshme për zbatimin e kërkesës ligjore, për njoftimin paraprak të detyrimit tatimor të miratuar me Vendim të Këshillit Vendor, për të gjithë tatimpaguesit (tatimpaguesit familjarë dhe bizneset), në territorin përkatës. Baza e taksave dhe tarifave, si dhe niveli i tyre, çdo përjashtim apo ulje, afati i pagesave, si dhe gjobat e kamatëvonesat e aplikueshme, në përputhje me legjislacionin në fuqi, botohen dhe bëhen të njohura publikisht.
113. Fondi rezervë përdoret sipas kriterëve të përcaktuara në Aneksin 2 të ligjit nr.84/2022 “Për buxhetin e vitit 2023”. Njësitë e vetëqeverisjes vendore sipas kriterëve të këtij aneksi i drejtohen Ministrisë së Financave dhe Ekonomisë dhe ministri i Financave dhe Ekonomisë vlerëson kërkesën e tyre. Nëse fondi rezervë nuk përdoret brenda vitit 2023, ai trashëgohet si transfertë e pakushtëzuar për vitin 2024.
114. Njësitë e vetëqeverisjes vendore, pas rakordimeve me degën përkatëse të thesarit për fondet e papërdorura në vitin 2022 (nga granti i qeverisjes qendore, në kap.1 “Çelje nga buxheti”, nga të ardhurat e krijuara nga kryerja e veprimtarisë së tyre, në kap.5 ”Të ardhurat e veta”, nga të ardhurat e krijuara në zbatim të legjislacionit specifik, në kap.6 “Të ardhura jashtë limitit”), të cilat trashëgohen në buxhetin e vitit 2023, dërgojnë brenda muajit Janar një kopje të akt-rakordimit në Ministrinë e Financave dhe Ekonomisë (Drejtorinë e Përgjithshme të Thesarit dhe Drejtorinë e Përgjithshme të Buxhetit).
115. Fondet e papërdorura nga transfertat e pakushtëzuar e përgjithshme dhe transfertat e pakushtëzuar sektoriale gjatë vitit 2023, trashëgohen në buxhetin e vitit 2024.
116. Brenda muajit Janar, njësitë e vetëqeverisjes vendore duhet të raportojnë në Ministrinë e Financave dhe Ekonomisë, planifikimin e disbursimeve të kredisë, të shlyerjes së borxhit dhe fondeve garant të tij në zbatim të marrëveshjeve të huamarrjes vendore.
117. Brenda muajit Shkurt 2023, njësitë e vetëqeverisjes vendore duhet të kenë përfunduar dhe dërguar në Ministrinë e Financave dhe Ekonomisë raportin vjetor të monitorimit të zbatimit të buxhetit të njësisë së vetëqeverisjes vendore për vitin 2022.
118. Për vitin 2023, nëpunësit autorizues të njërive të vetëqeverisjes vendore i paraqesin këshillit përkatës, sa herë që kërkohet, por jo më pak se tre raporte katërmujore të monitorimit të zbatimit të buxhetit, për performancën financiare, produktet dhe objektivat e realizuara për çdo program

buxhetor të përcaktuar në vitin e parë të dokumentit përfundimtar të programit buxhetor afatmesëm. Një kopje e tyre i dërgohet Ministrisë së Financave dhe Ekonomisë.

119. Raportet periodike të monitorimit gjatë vitit 2023, që njësitë e vetëqeverisjes vendore do të paraqesin në Ministrinë e Financave dhe Ekonomisë, duhet të plotësohen sipas përcaktimeve të udhëzimit standard të Ministrit të Financave dhe Ekonomisë nr. 22 datë 30.07.2018 “Për procedurat standarde të monitorimit të buxhetit të njësive të vetëqeverisjes vendore”.
120. Njësitë e vetëqeverisjes vendore, për menaxhimin e rasteve të vështirësive financiare, duhet të zbatojnë procedurat e përcaktuara në Udhëzimin nr. 26 datë 27.09.2019 “Procedura për menaxhimin e vështirësive financiare për njësitë e vetëqeverisjes vendore”.

### **III. Arkëtimet e kontributeve të sigurimeve shoqërore dhe shëndetësore**

121. Me implementimin e sistemit të ri informatik tatimor dhe me mbylljen e llogarive bankare në emër të drejtorive rajonale tatimore, kërkohet çdo ditë të sigurohet dërgimi elektronik në SIFQ i arkëtimeve të kontributeve të sigurimeve shoqërore dhe shëndetësore nga struktura përgjegjëse për tatimet, sipas klasifikimit ekonomik buxhetor.
122. Njësitë shpenzuese të qeverisjes qendrore dhe vendore të kryejnë pagesën e pagave të punonjësve pas shkarkimit të deklaratës për detyrimet e kontributeve të sigurimeve shoqërore dhe shëndetësore dhe të paraqesin njëkohësisht në strukturën përgjegjëse për Thesarin në degë urdhër shpenzimin për pagesën e pagave dhe urdhër shpenzimin për pagesën e kontributeve të sigurimeve shoqërore dhe shëndetësore si dhe tatimi mbi të ardhurat personale (në këtë proces të konsiderojnë kohën e nevojshme për celjen e numrave seriale të rinj në sistemin C@TS dhe ngarkimin e tyre në SIFQ nga D.P.Tatimeve).
123. Struktura përgjegjëse për Thesarin në degë nuk autorizon pagesën e pagës nëse nuk është paraqitur njëkohësisht edhe pagesa për kontributet e sigurimeve shoqërore dhe shëndetësore si dhe tatimi mbi të ardhurat personale nga njësia shpenzuese e qeverisjes qendrore dhe vendore.

### **IV. Raportimi dhe monitorimi i risqeve fiskale nga njësitë e qeverisjes së përgjithshme dhe njësi të tjera të sektorit publik**

124. Risk fiskal është: “Masa/Probabiliteti e/i devijimit të parashikimeve fiskale dhe buxhetore, në kontekstin e vitit buxhetor, si rrjedhojë e disa ngjarjeve të paparashikuara që kanë lidhje me: *zhvillimet makroekonomike, të ardhurat e përgjithshme, shpenzimet e përgjithshme dhe detyrimet e prapambetura, borxhin publik dhe mjetet monetare disponibël, financat vendore, koncesionet/PPP, ndërmarrjet publike me kapital shtetëror, detyrimet kontigjente (psh, vendimet gjyqësore të Arbitrazhit, vendimet e GJEDNJ në Strasburg, etj), ngjarje të tjera të paparashikuara, si fatkeqësi natyrore, etj.*
125. Njësitë raportuese të përfshira në procesin e raportimit dhe monitorimit të risqeve fiskale përgatisin

informacionin e kërkuar për këto risqe sipas kërkesave, formateve dhe afatave të përcaktuara në Udhëzimin nr.35 datë 29.12.2022 *“Për procedurat standarde të raportimit dhe monitorimit të risqeve fiskale nga njësitë e qeverisjes së përgjithshme dhe njësi të tjera të sektorit publik”*.

126. Njësitë raportuese, krahas informacionit në nivel vjetor që duhet të përcillet në zbatim të Udhëzimit nr.35 datë 29.12.2022, përgatisin informacionin e ndërmjetëm periodik të kërkuar për risqet fiskale edhe sipas kërkesave, formatit dhe afateve të përcaktuara si më poshtë vijon:

#### **126.1 Raportimi i detyrimeve të prapambetura në njësitë e qeverisjes së përgjithshme**

- a. Stok i detyrimeve të prapambetura konsiderohen detyrimet financiare të transaksioneve të shpenzimeve të njëjësive shpenzuese të qeverisjes së përgjithshme (përfshirë edhe njësitë ekstrabuxhetore në varësi të qeverisjes qendrore dhe vendore) të cilat rezultojnë të papaguara prej mbi 60 ditë kalendarike që nga data e faturës origjinale të operatorit ekonomik, si dhe ato pas afatit të pagesës të përcaktuar në marrëveshjen apo legjislacionin përkatës.
- b. Njësitë e qeverisjes së përgjithshme përgatisin informacionin e kërkuar për detyrimet e prapambetura sipas kërkesave, formatit dhe afateve të përcaktuara në Udhëzimin nr.37 datë 06.10.2020 *“Për monitorimin dhe publikimin periodik të stokut të detyrimeve të prapambetura të qeverisjes së përgjithshme”*. Gjithashtu, Ministria e Financave dhe Ekonomisë mund të kërkojë informacion shtesë mbi të dhënat e raportuara në SIFQ apo problematika të tjera eventuale, në përmbushje të rolit të saj monitorues mbi detyrimet e prapambetura.
- c. Në buxhetin Vendor të vitit 2023, duhet të përfshihet edhe plani i parashikuar për shlyerjen e detyrimeve të prapambetura të akumuluar në vite. Njësitë e vetëqeverisjes vendore duhet të dërgojnë në Ministrinë e Financave dhe Ekonomisë brenda muajit shkurt 2023, planin për shlyerjen e detyrimeve të prapambetura për periudhën afatmesme 2023-2025, sipas formatit bashkëlidhur udhëzimit (Shtojca 5: *“Skeduli i shlyerjes së detyrimeve të prapambetura në NJVQV”*).
- d. Drejtoria e Përgjithshme e Tatimeve në zbatim të Udhëzimit nr.37 datë 06.10.2020 *“Për monitorimin dhe publikimin periodik të stokut të detyrimeve të prapambetura të qeverisjes së përgjithshme”* raporton periodikisht në bazë tre mujore detyrimet e prapambetura për rimbursimin e TVSH sipas formatit në Shtojcën 4 *“Detyrimet e prapambetura të krijuara rishtazi për rimbursimin e TVSH”*.
- e. Bazuar në këtë informacion, njësia përgjegjëse për monitorimin e risqeve buxhetore në Ministrinë e Financave dhe Ekonomisë proceson të dhënat e marra dhe përgatit raportin e konsoliduar të monitorimit të detyrimeve të prapambetura në baza tremujore sipas afateve të përcaktuara në Udhëzimin Nr.37. datë 06.10.2020.
- f. Raporti i konsoliduar për detyrimet e prapambetura publikohet në faqen zyrtare të Ministrisë së Financave dhe Ekonomisë.

#### **126.2 Raportimi i detyrimeve të prapambetura në sektorët e Energjisë Elektrike dhe**

## Ujësjetllës-Kanalizimeve

- a. Ndërmarrjet Shtetërore të Sektorit të energjisë elektrike, krahas informacionit që duhet të përcillet në zbatim të **Pikës 126.4** mëposhtë, përgatisin informacionin e kërkuar për detyrimet e prapambetura sipas kërkesave, formatit dhe afateve të përcaktuara në Urdhërin e Përbashkët të Ministrisë të Financave dhe Ekonomisë dhe Ministrisë të Infrastrukturës dhe Energjisë nr. 379, datë 30.09.2021 “Mbi zbatimin e planit të masave të reduktimit të detyrimeve të prapambetura në sektorin e energjisë elektrike”.
- Korporata Elektroenergjitike sh.a., Operatori i Sistemit të Transmetimit sh.a. dhe Operatori i Shpërndarjes së Energjisë Elektrike Group sh.a. në zbatim të Urdhërit të Përbashkët nr.379 datë 30.09.2021, raportojnë periodikisht çdo muaj, brenda datës 15 të muajit pasardhës, sipas Aneksëve 1 dhe 2 të Urdhërit në fjalë, si vijon:
- Mbi statusin e marrëveshjeve midis ndërmarrjeve të sektorit elektroenergjitik për detyrimet e prapambetura në sektorin e energjisë elektrike të parashikuara në Urdhërin e sipërcituar;
  - Për detyrimet e prapambetura ndaj ndërmarrjeve publike dhe nga ndërmarrjet dhe njësitë e tjera publike:
    - *Gjendjen e detyrimeve deri në fund të periudhës së raportimit;*
    - *Detyrimet e prapambetura të krijuara gjatë vitit aktual.*
  - Mbi hapat që do të ndiqen për shlyerjen e të gjitha detyrimeve brenda vitit aktual, në rast të devijimit të pagesave korente.
- b. Ndërmarrjet e Ujësjetllës-Kanalizimeve përcjellin pranë Agjencisë Kombëtare të Ujësjetllës Kanalizimeve dhe Infrastrukturës së Mbetjeve (AKUM), periodikisht çdo muaj, brenda datës 5 të muajit pasardhës, një informacion lidhur me detyrimet e prapambetura deri në fund të periudhës së raportimit dhe detyrimet e krijuara gjatë vitit aktual, si dhe hapat që do të ndiqen për shlyerjen e të gjitha detyrimeve në rast të devijimit të pagesave korente. AKUM përgatit një informacion të konsoliduar të cilin e përcjell pranë Ministrisë së Financave dhe Ekonomisë, periodikisht brenda datës 15 të çdo muaji.
- c. Bazuar në këto informacione, njësia përgjegjëse për monitorimin e risqeve buxhetore në Ministrinë e Financave dhe Ekonomisë përgatit informacionin e konsoliduar duke e përfshirë atë në raportet periodike të monitorimit të ndërmarrjeve shtetërore. Raporti i Konsoliduar i monitorimit të ndërmarrjeve shtetërore paraqitet për informacion tek ministri i Financave dhe Ekonomisë.

### 126.3 Raportimi i ecurisë së pagesave të koncesioneve/PPP

- a. Në zbatim të ligjit nr. 57, datë 2.06.2016 “Për disa ndryshime dhe shtesa në ligjin nr. 9936, datë 26.06.2008 “Për menaxhimin e sistemit buxhetor në Republikën e Shqipërisë”, të ndryshuar”, nenit 4/2, Ministria e Financave vlerëson dhe miraton, paraprakisht, të gjitha projektet koncesionare dhe të partneritetit publik privat (PPP), si edhe çdo ndryshim të tyre, nga pikëpamja e implikimeve, individuale apo në grup, për shpenzimet buxhetore, deficitin buxhetor, qëndrueshmërinë e borxhit

publik dhe detyrimet kontingjente eventuale.

- b. Autoritetet Kontraktore raportojnë pranë Ministrisë së Financave dhe Ekonomisë, lidhur me ecurinë dhe performancën financiare dhe jofinanciare (arritja e treguesve/outputeve) të secilës prej kontratave koncesionare të tyre. Ky informacion dërgohet me shkrim dhe në rrugë elektronike përkatësisht pranë:
- **Njësisë përgjegjëse për monitorimin e risqeve buxhetore, si vijon:**
    - **Brenda datës 5** të muajit pasardhës, dërgohet raportimi sipas Shtojcës 8 *“Raportimi periodik mujor i kontratave të koncesioneve/PPP me mbështetje buxhetore”*, bashkëlidhur këtij udhëzimi. Si edhe, sa herë që kërkohet nga Ministria e Financave dhe Ekonomisë lidhur me periudha të caktuara apo specifika eventuale.
    - Bazuar në informacionin e raportuar nga Autoritetet Kontraktore brenda muajit të raportimit, njësia përgjegjëse për monitorimin e risqeve buxhetore në Ministrinë e Financave dhe Ekonomisë përgatit raportin përmbledhës mbi ecurinë e pagesave faktike dhe treguesve të performancës mujore për kontratat koncesionare/PPP me mbështetje buxhetore.
  - **Drejtorisë përgjegjëse për koncesionet/PPP, si vijon:**
    - **Brenda datës 10** të muajit pasardhës të periudhës tre-mujore në monitorim, dërgohet raportimi sipas Aneksive të përcaktuara në Udhëzimin e Ministrit të Financave dhe Ekonomisë nr.35, datë 12.12.2019 *“Për përcaktimin e rregullave dhe standarteve mbi raportimin dhe monitorimin e ecurisë financiare dhe jofinanciare të kontratave të Koncesionit/Partneritetit Publik Privat nga Autoritetet Kontraktuese”*.
  - **Agjencisë së Trajtimit të Koncesioneve (ATRAKO), si vijon:**
    - **Me fillimin e çdo viti buxhetor**, por jo më vonë se data 10 Gusht, të gjitha autoritetet kontraktore dërgojnë pranë ATRAKOS, kontratat koncesionare/PPP të lidhura prej tyre, me dhe pa mbështetje buxhetore.
      - **Brenda datës 10 Shtator**, ATRAKO përgatit dhe përcjell pranë strukturës përgjegjëse për planifikimin e buxhetit në drejtorinë e përgjithshme të buxhetit, regjistrin e përditësuar të kontratave koncesionare/PPP me dhe pa mbështetje buxhetore, e cila e përpunon dhe e bën pjesë të relacionit të paketës së projektbuxhetit të vitit pasardhës, në formën e Shtojcës përkatëse.
- c. Drejtoria përgjegjëse për koncesionet/PPP në Ministrinë e Financave dhe Ekonomisë koordinon punën me Agjencinë e Trajtimit të Koncesioneve (ATRAKO), Drejtorinë e Analizës dhe Programimit Buxhetor dhe Sektorin e Monitorimit të Risqeve Buxhetore dhe përgatit raportin e konsoliduar vjetor të vitit parardhës mbi ecurinë e kontratave aktive të koncesionit/PPP dhe e paraqet për informacion tek Ministri i Financave dhe Ekonomisë. Ky raport përcillet pranë drejtorisë përgjegjëse për menaxhimin e buxhetit, brenda datës 10 Maj të çdo viti buxhetor, dhe

bëhet pjesë e Raportit të Konsoliduar të Zbatimit të Buxhetit të vitit paraardhës (Buxheti Faktik).

#### **126.4 Monitorimi i ndërmarrjeve shtetërore**

- a. Në zbatim të ligjit nr. 57, datë 2.06.2016 “Për disa ndryshime dhe shtesa në ligjin nr. 9936, datë 26.06.2008 “Për menaxhimin e sistemit buxhetor në Republikën e Shqipërisë”, të ndryshuar”, nenit 4/2, pranë Ministrisë së Financave dhe Ekonomisë dorëzohen Planet financiare vjetore dhe pasqyrat financiare mbi bazë tremujori, të çdo njësie jo të qeverisjes së përgjithshme.
- b. Brenda muajit pasardhës të çdo tremujori (i.e: muajit të katërt, të shtatë, të dhjetë dhe muajit janar të vitit pasardhës), ndërmarrjet shtetërore raportojnë pranë njësisë përgjegjëse për monitorimin e risqeve buxhetore në Ministrinë e Financave dhe Ekonomisë, periodikisht mbi bazë tremujore si edhe sa herë që kërkohet nga Ministria e Financave dhe Ekonomisë lidhur me periudha të caktuara apo specifika eventuale. Ky informacion dërgohet me shkrim dhe në rrugë elektronike si vijon:
  - Ndërmarrjet shtetërore të sektorit të energjisë (KESH, OSHEE dhe OST) dërgojnë pasqyrat financiare (bilancin kontabël, pasqyrën e të ardhurave dhe shpenzimeve dhe pasqyrën e flukseve të parasë).
  - Ndërmarrjet e tjera shtetërore të pa përfshira në paragrafin më sipër, dërgojnë raportimin sipas shtojcës 9 “*Të dhënat financiare kryesore të Ndërmarrjeve Shtetërore*”.
- c. Drejtoria e Përgjithshme e Tatimeve brenda datës 10 të muajit pasardhës të çdo tremujori (i.e: muajit të katërt, të shtatë, të dhjetë dhe muajit Janar të vitit pasardhës), raporton në mënyrë të detajuar detyrimet tatimore të papaguara të ndërmarrjeve shtetërore. Informacioni dërgohet në njësinë përgjegjëse për monitorimin e risqeve buxhetore në Ministrinë e Financave dhe Ekonomisë dhe përfshihet në raportin e konsoliduar të monitorimit të ndërmarrjeve shtetërore.
- d. Drejtoria e Përgjithshme e Tatimeve brenda muajit Prill përcjell pranë njësisë përgjegjëse për monitorimin e risqeve buxhetore në Ministrinë e Financave dhe Ekonomisë, pasqyrat financiare të raportuara nga ndërmarrjet shtetërore për vitin paraardhës. Informacioni dërgohet në mënyrë elektronike sipas formateve të përcaktuara në udhëzimet përkatëse për deklarimin e pasqyrave financiare.
- e. Bazuar në këtë informacion, njësi përgjegjëse për monitorimin e risqeve buxhetore në Ministrinë e Financave dhe Ekonomisë grumbullon të dhënat e marra nga ndërmarrjet shtetërore dhe Drejtoria e Përgjithshme e Tatimeve dhe përgatit raportin periodik të konsoliduar të monitorimit të ndërmarrjeve shtetërore, brenda një muaji nga përfundimi i afatit të dërgimit të këtij informacioni. Raporti i Konsoliduar paraqet për informacion tek ministri i Financave dhe Ekonomisë.

#### **126.5 Raportimi mbi vendimet gjyqësore të Gjykatës Evropiane për të Drejtat e Njeriut dhe atyre të Arbitrazhit Ndërkombëtar**

- a. Në zbatim të ligjit nr. 10018, datë 13.11.2008 “Për Avokaturën e Shtetit” (ndryshuar me ligjin nr. 86/2018), Avokatura e Shtetit është institucioni përgjegjës për marrjen dhe administrimin e informacionit përkatës lidhur me vendimet gjyqësore (çështje të parashtruara për zgjidhje para

GJEDNJ-së dhe para Arbitrazhit Ndërkombëtar).

- b. Ministria e Financave dhe Ekonomisë, merr informacion mbi detyrimet financiare (të materializuara apo të pritshme) që rrjedhin nga këto vendime, për qëllime analize, transparence dhe raportimi të detyrimeve kontigjente të qeverisjes së përgjithshme.
- c. Brenda datës 10 Maj dhe 10 Shtator të çdo viti buxhetor, si dhe sa herë kërkohet nga MFE, Ministrinë e Linjës/Institucionet Buxhetore dhe Avokatura e Shtetit raportojnë periodikisht pranë Ministrisë përgjegjëse për financat dhe ekonominë, në rrugë zyrtare shkresore dhe elektronike për sa vijon:
  - Ministrinë e Linjës dhe Institucionet buxhetore dërgojnë informacion lidhur me vendimet gjyqësore të formës së prerë (Vendimet e Arbitrazhit Ndërkombëtar) sipas Shtojcës 10 “Raportimi i vendimeve gjyqësore të Arbitrazhit Ndërkombëtar”.
  - Avokatura e Shtetit dërgon regjistrin e përditësuar së bashku me vlerat financiare të vendimeve të Arbitrazhit dhe vendimeve të Gjykatës Evropiane të të Drejtave të Njeriut, ku përfshihen ato të formës së prerë, ato në proces shqyrtimi dhe ato në pritje për shqyrtim (in queu).
- d. Ky informacion është pjesë e raporteve periodike të zbatimit të buxhetit të shtetit, të cilët publikohen në faqen zyrtare të Ministrisë së Financave dhe Ekonomisë.

## V. Monitorimi

127. Raporti i monitorimit për vitin 2022, si edhe raportet periodike gjatë vitit 2023, që ministrinë dhe institucionet do të paraqesin në Ministrinë e Financave dhe Ekonomisë, duhet të plotësohen në përputhje me Udhëzimin nr. 22 datë 17.11.2016 “Për procedurat standarte të monitorimit të buxhetit në Njësitë e Qeverisjes Qendrore”.

- Anekset, që do të jenë pjesë e raporteve të monitorimit për vitin 2022, si edhe ato periodike dhe vjetore të vitit 2023, strukturat përgjegjëse për monitorimin e buxhetit, në Njësitë e Qeverisjes Qendrore, do t’i sigurojnë nga raportet përkatëse të modulit të Monitorimit të Buxhetit dhe Portofolit të Projekteve (BPPM), në sistemin AFMIS. Në relacionin shoqërues të raporteve të monitorimit nga ana e ML/IB duhet të evidentohen të gjitha problematikat që lidhen me përdorimin e raporteve të modulit të Monitorimit të Buxhetit dhe Portofolit të Projekteve (BPPM), me formatin apo përmbajtjen e tyre.
- Raporti i monitorimit për vitin 2022 nga ana e njërive të qeverisjes qendrore do të paraqitet në Ministrinë e Financave dhe Ekonomisë brenda muajit Shkurt 2023.

128. Për fondet speciale: Një kopje e raportit vjetor të miratuar nga Këshilli Administrativ i Institutit të Sigurimeve Shoqërore dhe Këshilli Administrativ i Fondit të Sigurimit të Detyrueshëm të Kujdesit Shëndetësor, paraqitet në Drejtorinë e Përgjithshme të Buxhetit.

## VI. Përcaktime të fundit

129. Pjesë integrale e këtij Udhëzimi janë formatet e zbatimit të buxhetit, bashkëlidhur si më poshtë:

- *Tabela 1 “Fondi i veçantë limit për vitin 2023”;*

- Shtojca 1 “Formati i detajimit të fondeve buxhetore”;
- Shtojca 2 “Formati i rishpërndarjes të fondeve buxhetore”;
- Shtojca 3 “Fatura elektronike për mallrat apo shërbimet”
- Shtojcës 3/1 “Urdhër rregjistrimi i detyrimeve të prapambetura”;
- Shtojca 4 “Detyrimet e prapambetura të krijuara rishtazi për rimbursimin e TVSH”;
- Shtojca 5 “Plani i shlyerjes së stokut të detyrimeve të prapambetura në NJVQV”;
- Shtojca 6 “Raportimi i fondit të pagave dhe numrit të punonjësve të njësisë së vetëqeverisjes vendore”;
- Shtojca 7 “Shkresa e njësive të vetëqeverisjes vendore për hapje llogari bankare huamarrjeje”;
- Shtojca 8 “Raportimi periodik mujor i kontratave të koncesioneve/PPP me mbështetje buxhetore”;
- Shtojca 9 “Të dhënat financiare kryesore të Ndërmarrjeve Shtetërore”.
- Shtojca 10 “Raportimi i vendimeve gjyqësore të Arbitrazhit Ndërkombëtar
- Shtojca 11 “Formati për parashikimin e planit të arkës nga njësitë e qeverisjes së përgjithshme pilot: Ministria e Bujqësisë dhe Zhvillimit Rural, Ministria e Arsimit, Sportit dhe Rinisë, Bashkia Tiranë”;
- Shtojca 12 “Formati për parashikimin e të ardhurave nga njësitë e qeverisjes së përgjithshme pilot: Drejtoria e Përgjithshme e Doganave”;
- Aneksi A “Hapat procedurale që ndiqen në rastin e krijimi të një Institucioni të Ri Buxhetor”.
- Aneksi B “Procedurat e përdorimit të fondit për parafinancimin, bashkëfinancimin dhe pagesën e tatimit mbi vlerën e shtuar dhe të detyrimeve doganore për projektet me financim të huaj”.

130. Ky Udhëzim hyn në fuqi menjëherë dhe efektet e tij përfundojnë më 31 Dhjetor 2023.

**MINISTËR**

**Delina Ibrahimaj**



Tabela 1

		ne lekë
Kod min	Emertimi i Ministrisë / Institucionit Buxhetor	Fondi i vecantë viti 2023
1	Presidenca	300,000
2	Kuvendi	1,000,000
3	Kryeministria	400,000
5	Ministria e Bujqësisë	7,700,000
6	Ministria e Infrastrukturës / Energjisë	4,500,000
10	Ministria e Financave dhe Ekonomisë	14,000,000
11	Ministria e Arsimit, Sportit dhe Rinisë	55,000,000
12	Ministria e Kulturës	3,500,000
13	Ministria e Shëndetësisë	12,000,000
14	Ministria e Drejtësisë	10,000,000
15	Ministër Punët e Jashtme	1,300,000
16	Ministria e Brendshme	37,000,000
17	Ministria e Mbrojtjes	30,850,000
18	Shërbimi Informativ Shtetëror	7,000,000
20	Drejtoria e Përgjithshme e Arkivave	500,000
22	Akademia e Shkencës	300,000
24	Kontrulli i Lartë i Shtetit	1,600,000
26	Ministria e Turizmit dhe Mjedisit	1,900,000
28	Prokuroria e Përgjithshme	2,900,000
29	Këshilli i Lartë Gjyqësor	4,500,000
30	Gjykata Kushtetuese	200,000
31	Agenesia Telegrafike Shqiptare	150,000
35	Këshilli i Lartë i Prokurorisë	150,000
41	SPAK Byro hetim	329,880
50	Instituti Statistikës	650,000
55	Shkolla e Magistraturës	186,120
57	Qendra Kombëtare e Kinematografisë	200,000
63	Komisioni i Pavarur i Kualifikimit	200,000
63	Kolegji i Posaçëm i Apelit	264,000
63	Komisioneri Publik	200,000
63	Inspektorati i Lartë i Drejtësisë	300,000
66	Avokati i Popullit	250,000
67	Komisioneri për Mbrojtjen e Shërbimit Civil	250,000
73	Komisioni Qendror i Zgjedhjeve	250,000
76	Inspektorati i Lartë i Deklarimit e Kontrollit të Pasurive dhe Konfliktit të Interesave	200,000
77	Autoriteti i Konkurrencës	250,000
82	Këshilli Kombëtar i Kontabilitetit	100,000
87	Institucione të tjera Qeveritare	3,620,000
	<i>Drejtoria Sigurimit të Informacionit Klasifikuar (DSIK)</i>	100,000
	<i>Agenencia e Prokurimit Publik</i>	100,000
	<i>Komiteti për Politikë Kombëtare</i>	230,000
	<i>Inspektorati Qendror</i>	100,000
	<i>Agenencia e Menaxhimit të Burimeve Ujore</i>	250,000
	<i>Agenencia për Dialog dhe Bashkëqeverisje</i>	100,000
	<i>Agenencia e Zhvillimit të Territorit</i>	100,000
	<i>Agenencia Kombëtare e Planifikimit të Territorit</i>	190,000
	<i>Agenencia Autonome e Auditimit të Banceve të BE</i>	150,000
	<i>Agenencia Kombëtare e Shqerimeve të Informacionit</i>	500,000
	<i>Agenencia Ofrimit të Shërbimeve Publike (ADISA)</i>	300,000
	<i>Komiteti Shtetëror i Kulturës</i>	200,000
	<i>Departamenti i Administratës Publike</i>	200,000
	<i>Shkolla Shqiptare e Administratës Publike</i>	200,000
	<i>Autoriteti Komb. Cert. Elektronik (ACE/SK)</i>	100,000
	<i>Sekretariat Teknik i KEK</i>	100,000
	<i>Autoriteti Shtetëror Gjeohapsimor (ASG)</i>	100,000
	<i>Avokatura e Shtetit</i>	300,000
	<i>Agenencia Kombëtare e Rinisë</i>	100,000
	<i>Agenencia Shtetërore e Programmit Strategjik dhe Koordinimit të Veprimës</i>	100,000
	<i>Agenencia për Media dhe Informim</i>	100,000
88	Mbeshetje për shqerime civile	150,000
	<i>Komisioneri për të Drejtën e Informimit dhe Mbrojtjen e të Dhënave</i>	
89	Personale	250,000
90	Komisioni i Prokurimit Publik	150,000
91	Komisioneri për Mbrojtjen nga Diskriminimi	250,000
92	Instituti i studimeve të krimeve të komunizmit	100,000
95	Autoriteti i Drejtën e Informimit për Dokumentet ish-sigurimi	100,000
	<b>TOTALI</b>	<b>205,000,000</b>

Shtojca Nr.1: Formati i Detajimit te fondeve buxhetore 2023 per Njesine e Qeverisjes

Shembull: AUTORITETI KONKURRENCES

Entiteti i Qeverisjes	Ministria e Linjes	Kod Institucioni	Emer Institucioni	Kapitulli	Programi	Llogaria		Kodi i produktit	Emertimi	Shuma ne lekë
						Ekonomike	Thesarit			
001	77	1077001	Autoriteti i Konkurrencws	01	04120	6000000	3535	97701AA	Marveshjet e ndaluara , abuzimi me poziten dominuese dhe perqendrimet	53,000,000
001	77	1077001	Autoriteti i Konkurrencws	01	01110	6010000	3535	97701AA	Marveshjet e ndaluara , abuzimi me poziten dominuese dhe perqendrimet	8,500,000
001	77	1077001	Autoriteti i Konkurrencws	01	01110	6020000	3535	97701AA	Marveshjet e ndaluara , abuzimi me poziten dominuese dhe perqendrimet	10,260,000
001	77	1077001	Autoriteti i Konkurrencws	01	01110	6060000	3535	97701AA	Marveshjet e ndaluara , abuzimi me poziten dominuese dhe perqendrimet	240,000
TOTALI										72,000,000

Shtojca Nr.2




Formati i transferimit te fondeve buxhetore 2023

leke

Entiteti i Qeverisjes	Ministria e Linjes	Kodi Institucioni	Emer institucioni	Kapitulli	Programi	Llogaria Ekonomike	Kodi i Deges se Thesarit	KOD Produkti	Emertimi i produktit	Debiti
001	12	1012060	Pakesohet Instituti i Monumenteve te Kulture	01	08220	6000000	3535	91202AA	Objekte monument kulture te ruajtura dhe mbrojtura	400.0000
001	12	1012060	Instituti i Monumenteve te Kulture	01	08220	6010000	3535	91202AA	Objekte monument kulture te ruajtura dhe mbrojtura	150.0000
001	12	1012014	Shtohet Qendra Muzetumeve Berat	01	08220	6020000	0202	91202AC	Muze te mirembajtura dhe te vizitueshem nga publiku	550.0000

**SHTOJCA 3**  
**“FATURA ELEKTRONIKE PËR MALLRAT APO SHËRBIMET”**

Në zbatim të Udhëzimit Nr. 16, datë 03.04.2020 “Për faturën dhe sistemin e monitorimit të qarkullimit” dhe Udhëzimit Nr. 20, datë 01.06.2020 “Për elementët bazë dhe teknikë, lëshimin dhe shkëmbimin e faturave elektronike dhe faturave shoqëruese”.

		<i>Fatura Elektronike</i>					
<b>Shërbëuesi</b>							
Emri i shërbësit:		Oltjon Bushi					
NIPT:		L03410401M					
Adresa:		Ne fshatin agim, zona kadastrale 1005, pasura nr. 08/34					
<b>Të dhënat e taturës</b>							
Kodi i emri i fajit të dokumentit:		380 - Faturë tregtare					
Lloji i procesit të punës:		P1 Faturimi i dërgesave të mallrave dhe shërbimeve kundrejt porosive të blerjes, bazuar në një kontratë					
Identifikues i specifikimit:		urn:cen.eu:en10031:2017					
Numri i faturës:		100/2020					
NIVF:		55304d1a-3f0b-402b-bcde-cf0b044857c7					
NSLF:		D21EBF3F7B7G532D0AAAF3331A7CE2CE8AAJ#					
Kodi i vendit të ushtrimit të veprimtarisë së biznesit:		001230D123					
Kodi i Operatorit:		v0500qu084					
Monedha:		ALL - Albanian Lek (ALL)					
Vendi dhe data e lëshimit të faturës:		02.11.2020 21:20:18					
Afat i vlefshmërisë / maturimit:		02.11.2020					
<b>Blerësi / Klienti</b>							
Emri i blerësit:		JEHONA SOFTWARE					
NIPT:		L42202028V					
Adresa:		Njësia BASHKËRIKË nr 5, Rruga Prokop Mima, Pallati Universal, Hyrja e Parë, Katë i Parë,					
<b>Transportuesi</b>							
Emri i shërbësit:		Oltjon Bushi					
NIPT:		L03410401M					
<b>Artikujt e faturës</b>							
Nr.	Përshkrimi i Artikullit	Njësia matëse	Sasia	Çmimi për njësi	Vlera	Vlera pa TVSH	Kodi i TVSH
1	Buzana	kom	10.00	10.00	100.00	100.00	0-VAT
<b>Artikujt e faturës</b>							
Kodi i TVSH	Vlera e tatueshme	Sikalla e TVSH	Vlera e TVSH	Arzyerja e përjashtimit nga TVSH			
0-VAT	100.00		0.00				
<b>Pëmbledhje</b>							
Shuma e të gjitha vlerave pa TVSH të						100.00	
Shuma e të gjitha zbritjeve të artikujve të							
Totali i faturës pa TVSH						100.00	
Totali i vlerës së TVSH-së së faturës						0.00	
Totali i faturës me TVSH						100.00	
<b>SHUMA PËR TË PAGUAR</b>						<b>100.00</b>	
 Për të gjitha informacionet dhe ndihmën kontaktuese: Drejtori e Përgjithshme e Taksave Numri i Telefonit: 0200 14 14 E-mail: shërbimi_konsumit@taksave.gov.al Adresa: Rruga Tjërë Buz Shkurt, Tiranë 1000, Albanë.				 Për të gjitha informacionet dhe ndihmën kontaktuese: Agjencia Kombëtare e Shërbimeve të Informacionit Numri i Telefonit: +355 422 77750 E-mail: shërbimi_konsumit@shërbime.gov.al Adresa: Rr. Papa Gjon Palë 18, Nr 3, Tiranë 1003,			



Informacion për

Monedha: ALL - Albanian Lek (ALL)

Të dhëna të tjera për tatimpaguesin

Tatimpaguesi: Oltjon Bushi  
NIFIT: L93416491M



Për më shumë informacione në lidhje me  
këtë dokument mund të shihet në faqen  
të internetit.



Për më shumë informacione dhe ndihmë teknike:  
Drejtoria e Administrimit të Takimeve  
Numri i Telefonit: 0502 14 14  
E-Mail: [info.dpt@taxe.gov.al](mailto:info.dpt@taxe.gov.al)  
Adresa: Rruga Çun Busi Riposta, Tiranë 1000, Albania



Për më shumë informacione dhe ndihmë teknike:  
Agjencia Kombëtare e Shërbimeve të Informacionit  
Numri i Telefonit: +355 422 77730  
E-Mail: [info@support.e-albania.gov.al](mailto:info@support.e-albania.gov.al)  
Adresa: Rr. Pashë Çipi 2 në 11, Tiranë 1002.



**Shitësi**  
**Emri i shitësit:** Nexia AL Consulting  
**NIPT:** L822100310  
**Adresa:** Rruga "Ismail Qemali", Godina 20, Hyrja 1, Apartamenti 0.

## Të dhënat e faturës

**Kodi i emri i lojt të dokumentit:** 80 / Notë debiti të lidhura me mallrat ose shërbimet

**Lloji i procesit të punës:** P.T. Faturimi i dërgesave të mallrave dhe shërbimeve kundrejt porositje të blerësit, bazuar në një kontratë

**Identifikues i specifikimit:** um:cen.euran10031:2017

**Numri i faturës:** 35/2020

**NIVF:** 20f00c7-265b-40f-0c5a-d0f14fe08b57

**NDLF:** 17FE02A70AAB44C0D80EA6B0080E308E

**Kodi i vendit të ushtrimit të veprimtarisë së biznesit:** 35030je180

**Kodi i Operimit:** dr050ez502

**Monedha:** ALL - Albanian Lek (ALL)

**Vendi dhe data e lëshimit të faturës:** 10.11.2020 16:32:48

**Ata: Meshmërisë / maturmit:** 21.11.2020

**Blerësi / Klient**  
**Emri i blerësit:** Orijon Buchi  
**NIPT:** L03410401M  
**Adresa:** Në tchatin agim, zona kadastrale 1005, pasuna nr. 08/34

**Transportuesi**  
**Emri i shitësit:** Nexia AL Consulting  
**NIPT:** L822100310

## Artikujt e faturës

Nr	Përshkrimi / Artikulli	Njësia matëse	Sasia	Çmimi për njësi	Vlera	Vlera pa TVSH	Kodi i TVSH
1	Kafe	kom	10	220,00	0,00	220,00	Z-VAT

## Artikujt e faturës

Kodi i TVSH	Vlera e bazueshme	Shkalla e TVSH	Vlera e TVSH	Arsyetja e përjashtimit nga TVSH
Z-VAT	220,00	0	0,00	

## Pëmbledhje

Shuma e të gjitha vlerave pa TVSH të	220,00
Shuma e të gjitha zbritjeve të artikujve të	
Totali i faturës pa TVSH	220,00
Totali i vlerës së TVSH-së së faturës	0,00
Totali i faturës me TVSH	220,00
<b>3 HUNA PER TU PAGUAR</b>	<b>220,00</b>



Për të gjitha informacionet dhe ndihmën teknike:  
 Drejtimi e Përgjithshme e Taksave  
 Numri i telefonit: 0202 14 14  
 E-Mail: [info@guvernatori.al](mailto:info@guvernatori.al)  
 Adresa: Rruga Tërnë Sive Shëpas, Tërëna 1000, Abatiza



Për të gjitha informacionet dhe ndihmën teknike:  
 Agjencia Kombëtare e Shërbimit të Informacionit  
 Numri i telefonit: +355 422 77730  
 E-Mail: [info@shërbimi.gov.al](mailto:info@shërbimi.gov.al)  
 Adresa: Pr. Paza Ojori Pëllëz, Nr 3, Tërëna 1003,



Informacion për

Monedha ALL - Albanian Lek (ALL)

Të dhëna të tjera për tatimpaguesin

Tatimpaguesi: Nexia AL Consulting  
NIFIT: L502100310



Të gjitha informacionet për këtë vlerë  
1000 Shqipërisë të Shqipërisë në 1000  
Kod QR



Për të gjitha informacionet dhe ndihmën teknike:  
Shërbimi i Klientëve dhe Informacioneve  
Numri i telefonit: 0800 14 14  
E-Mail: [sherbimi\\_klienteve@dpf.gov.al](mailto:sherbimi_klienteve@dpf.gov.al)  
Adresa: Rruga Ish-Qendër Shërbimi, Tiranë 1000, Shqipëri



Për të gjitha informacionet dhe ndihmën teknike:  
Agjencia Shqipërisë e Komercit të Ndërkombëtar  
Numri i telefonit: +355 402 97730  
E-Mail: [informacione@agjencia.gov.al](mailto:informacione@agjencia.gov.al)  
Adresa: Rr. Pasha Gjon Palë nr. 3, Tiranë 1000,

**SHTOJCA 3/1**  
**URDHËR REGJISTRIMI I DETYRIMEVE TË PRAPAMBETURA**

Emërtimi Institucionit	Ministria e Financave dhe Ekonomise
NIPT-i	K02231002H
Kodi Institucionit	1010001
Entiteti qeverisjes	001
Distrikti (TDO)	3535
Kategoria	GoA Detyrim i Prapambetur
NËmri i ditarit në SIFQ	

**URDHËR - REGJISTRIMI**  
**DETYRIM I PRAPAMBETUR**

NR. \_\_\_\_\_, DATË \_\_/\_\_/\_\_\_\_

*Në lekë*

Nr.	Struktura e llogarisë		SHUMA	Përshkrimi
	Ministria	Llogaria Ekonomike		
1	10	4864400	10,000.00	Projekti 18AY603-Ndertim I shkolles profesionale te IT
		<b>Totali</b>	<b>10,000.00</b>	
		(me fjale)	(Dhjetemije leke)	

**Te dhena per kreditorin perfitues:**

**Dokumentat justifikues te shpenzimit:**

Emri i perfituesit

NIPT-i:

IBAN:

Nr. llog. bankare:

Emri i Bankes

Adresa e Bankes:

**PER INSTITUCIONIN**

**PER DEGEN E THESARIT**

Aprovuar date:

**NEPUNESI AUTORIZUES**

**NEPUNESI ZBATUES**

**NEPUNESI I THESARIT**

(Emer, Mbiemer, Firme)

(Emer, Mbiemer, Firme)

(Emer, Mbiemer, Firme)

**Vula**

**Vula**

**Shenim:** Qelizat "Nr. i Ditarit ne SIFQ"(Sistemi Informatik Financiar i Qeverise) dhe "Aprovuar date" plotesohen nga nepunesi i deges se Thesarit

**SHIFTOICA 4**

**DETËYRIMET E PRAPAMBËTURA TE KRUI ARA RISHI AZI PER RIMBURSIMIN E TVSH**

Lartshpaguesi	NIP	Detajet e kërkesës për rimbursim				Sa kohë ka qe është bere kërkesa per rimbursim prane organeve tatimore?				Nr dritesh "kërkesë-tidat"	Aksiota perese eshte llogar pagesa	
		Data e kërkesës	Shuma e kërkuar (990 L)	Data e miratimit	Shuma e miratuar	Rimbursuar / kompenzuar	Mbetur pa rimbursuar	30-30 ditë	60-90 ditë			+90 ditë

Shifota Nr. 1 Formuar i Detajimit te fondëve Bashkëtorë 2023 per Nivone e Qeverisjes

Shtojca 5

Bashkia \_\_\_\_\_

Plani i shlyerjes së stokut të detyrimeve për tre vitet në vazhdim

Nr.	Bashkia	Detyrimi i mbetur deri në dhjetor 2022	Shuma e parashikuar për shlyerje përgjatë tre viteve			Diferencë (Fakt-Plan)	Shënime
			Viti 2023	Viti 2024	Viti 2025		
	Bashkia XXX					0	

Shënim

"Stoku i detyrimit të mbetur deri në dhjetor 2022" duhet të rakordojë me vlerën e detyrimeve në sistemin e thesarit

Shtojca Nr. 6

Raportimi i Fondit te pagave dhe Numrit te punonjesve te njesise se qeverisjes vendore

Emri i njesise	Viti 2022 (fakti)		Viti 2023	
	Numri i punonjesve	Fondi i pagave (ne leke)	Numri i punonjesve	Fondi i pagave (ne leke)
Shtojca Nr.1: Formati i Detajimit te fondeve buxhetore				
Administrata e njesise	0.0	0.0	0.0	0.0
Punonjes me kontrate ( Administrata)	0.0	0.0	0.0	0.0
Institucionet e varesise	0.0	0.0	0.0	0.0
Punonjes me kontrate (Institucionet e varesise)	0.0	0.0	0.0	0.0
<b>Totali</b>	<b>0.0</b>	<b>0.0</b>	<b>0.0</b>	<b>0.0</b>

Shtojca Nr. 7 "Shkresa e Njesive Vendore per Hapje Llogarie Huamarrjeje"



REPUBLIKA E SHQIPERISE  
MINISTRIA E FINANCAVE  
DREJTORIA E PERGJITHSHME E THESARIT  
DREJTORIA OPERACIONALE

Nr. 228/10 Pro

Titani me 22.04.2010

Per: BANKA KOMBETARE TREGTARE

Per njoftim: Dega e Thesarit Elbasan  
Bashkia Elbasan


Sutjekti: Kerkese per hapje llogarie

Ne zbatim te Ligjit Nr 9869, dt 04.02.2008 "Per Huamarrjen e Qeverisjes Vendore" si dhe Udhhezimit te Ministrise se Financave Nr.55, dt. 05.04.2008 "Per Huamarrjen e Qeverisjes Vendore", lutemi te hapni prane Bankes Kombetare Tregtare Dega Elbasan, llogari te tranzite per Huamarrjen e Qeverisjes Vendore: "Dega e Thesarit Elbasan-Huamarrje Njesia Vendore" ne LIRKE.

Kjo llogari du te funksionoj ne perputhje me Akt-Merretveshjen midis Ministrise se Financave dhe Bankes tuaj

Pas hapjes se kesaj llogarie, lutemi njoftoni nimen e saj IBAN prane Deges se Thesarit Elbasan dhe Ministrise se Financave - Drejtoria e Pergjithshme e Thesarit - Drejtoria Operacionale

Rilvan BODE





Shtojca 9: "Të dhënat financiare kryesore të Ndërmarrjeve Shtetërore"

Të dhënat financiare kryesore (në mijë lekë)					
Periudha	Bilanc (t-1)	3 mujori (t)	Parashikimi vjetor (t)	Parashikimi Vjetor (t+1)	
Të ardhurat					
Shpenzimet					
Humbje/Fitim	-	-	-	-	-
Aktivët korrente					
Aktivët fikse					
<i>Investimet bruto</i>					
Aktive	-	-	-	-	-
Detyrimet afatshkurtra					
Detyrimet afatgjata					
Detyrimet	-	-	-	-	-
<b>Pasuria Neto</b>	-	-	-	-	-

Shifrat duhet të konsolidohen duke eliminuar transaksionet e brendshme dhe borxhet.

Shifrat e investimeve bruto do të jetë informacion i dobishëm shtesë.





Shtojca 12 "FORMATI PËR PARASHIKIMIN E TE ARDHURAVE NGA NJËSITË E QEVERISIES SË PËRGJITHSHME PILOT: DREJTORIA E PËRGJITHSHME E DOGANAVE"

Njësia e Qeverisjes së Përgjithshme  
Data e hartimit  
Personi kontakti

	Buxheti	Fakt												Parashikim		Parashikim		Parashikim	
		Janar	Shkurt	Mars	Prill	Maj	Qershor	Korrik	Gusht	Shtator	Tetor	Nëntor	Dhjetor	Data 1	Data 31	Nëntor	Dhjetor		
ne milione lekë																			
TE ARDHURA																			
TVSH																			
Akzize																			
Taksa te tjera																			
<b>TOTAL</b>																			

Shënime

1  
2

## ANEKSI A

### “ Hapat proceduriale që ndiqen në rastin e krijimi të një Institucioni të Ri Buxhetor”

- Titullari i Institucionit pas miratimi të strukturës organike të institucionit dërgon shkresë zyrtare në strukturën përgjegjëse në ministrinë përgjegjëse për financat (Drejtoria e MFK) për njohjen dhe miratimin e nëpunësit autorizues dhe nëpunësit zbatues të institucionit, shoqëruar me dokumentacionin e përcaktuar në ligjin nr.10296 datw 08.07.2010 “Për menaxhimin financiar dhe kontrollin”, i ndryshuar.
- Titullari i institucionit/Nëpunësi Autorizues, përgatit dhe dërgon menjëherë në ministrinë përgjegjëse për Financat (Drejtorinë e Përgjithshme të Thesarit) kërkesën zyrtare për çelje Kodi institucioni sipas strukturës buxhetore të miratur në ligjin vjetor të buxhetit;
- Titullari i institucionit/Nëpunësi Autorizues, përgatit dhe dërgon menjëherë në ministrinë përgjegjëse për Financat (Drejtorinë AFMIS) kërkesën zyrtare për çelje përdoruesish në sistemin AFMIS në përputhje me përcaktime e udhëzimit nr.36 datë 17.12.2019 “Për përgjegjësitë e përdoruesve në sistemin informatik të menaxhimit financiar për modulin e përgatitjes së buxhetit, modulin e menaxhimit të investimeve publike dhe modulin e monitorimit të buxhetit dhe portofolit të projekteve”.
- Pas çeljes së Kodi të Institucionit dhe përdoruesve në sistemin AFMIS, Titullari i institucionit/Nëpunësi Autorizues njofton (me e-mail/shkresë) procedon në sistemin AFMIS për detajimin e buxhetit për vitet respektive. Kërkesat buxhetore të përpunuara në sistemin AFMIS dërgohen zyrtarisht dhe me e-mail në Drejtorinë e Përgjithshme të Buxhetit në Ministrinë përgjegjëse për financat.
- Së fundmi, pasi janë përfunduar të gjitha hapat e sipërcituara, njoftohet Drejtoria e Menaxhimit të Buxhetit, pranë Ministrisë përgjegjëse për financat, me qëllim detajimin e fondeve buxhetore sipas klasifikimit buxhetor dhe strukturës buxhetore (artikujve buxhetorë), në nivel qendror dhe sipas njësive vartëse/rajonale shpenzuese nëse institucioni ka të tilla.

## ANEKSI B

**“Mbi përdorimin e fondit për parafinancimin, bashkëfinancimin dhe pagesën e tatimit mbi vlerën e shtuar dhe të detyrimeve doganore për projektet me financim të huaj të miratuar me ligjin nr.115 datë 25.11.2021 “Për buxhetin e vitit 2022”**

- Titullari i Njesisë së Qeverisjes së Përgjithshme analizon dhe vlerëson nevojën për financim për:
  - kryerjen e pagesave të komisioneve financiare në rast pjesëmarrje në programe me financim të huaj,
  - rimbursimin e detyrimeve fiskale të projekteve me financim të huaj
  - kryerjen e pagesave fillestare dhe/ose bashkëpagesave në projekte me financim të huaj me pjesëmarrje dhe nga institucione të tjera.
  - Titullari i Njesisë së Qeverisjes së Përgjithshme, në rast se konstaton se nuk ka asnjë mundësi financimi për ndonjë nga rastet më sipër brenda buxhetit të miratuar për institucionin, përgatit dhe dërgon kërkesën për vlerësim dhe financim si dhe dokumentacionin justifikues në Agjensinë Shtetërore të Programimit Strategjik dhe Kordinimit të Ndihmës (SASPAC).
  - Dokumentacioni Justifikues përfshin:
    - Një kopje të marrëveshjes së nënshkruar të Njesisë së Qeverisjes së Përgjithshme me donatorin;
    - Programin Buxhetor ku planifikohet kjo politikë dhe lidhjen me dokumentat përkatës strategjik;
    - Analizë dhe argumentim të pamundësisë për financimin nga buxheti i alokuar me ligjin vjetor të buxhetit ose nga burimet e veta.
- Titullari i SASPAC analizon kërkesën mbështetur në rregullat dhe procedurat e institucionet si dhe duke respektuar dhe kushtet e mëposhtme:
  - Rimbursimi i TVSH dhe/ose kostos lokale për projektet që financohen me kredi bëhet vetëm në rastet kur marrëveshja e kredisë me donatorin është nënshkruar dhe disbursohet brenda vitit korrent buxhetor.
  - Për Njësitë e Qeverisjes Vendore, kur përfitojnë nga fondi për parafinancim, në rastet kur ky fond kthehet në buxhetin e tyre pasi kanë përmbushur kriteret e marrëveshjes, ai përdoret nga Njësitë e Qeverisjes Vendore vetëm për shpenzime kapitale në varësi të nevojave të tyre.
  - Afati i aplikimit për të përfituar nga fondi për parafinancimin, bashkëfinancimin dhe pagesën e tatimit mbi vlerën e shtuar dhe të detyrimeve

doganore për projektet me financim të huaj, për Njësitë e Qeverisjes së Përgjithshme është data 15 tetor.

- Titullari i SASPAC përcjell kërkesën e institucionit me dokumentacionin justifikues si dhe opinionin e tij zyrtar tek ministri përgjegjës për financat.
- Ministri përgjegjës për financat, nëpërmjet Drejtorisë së Përgjithshme të Buxhetit, shqyrton kërkesën e Njësisë së Qeverisjes Qendrore dhe opinionin e SASPAC dhe miraton ose jo përdorimin e fondit për parafinancimin, bashkëfinancimin dhe pagesën e tatimit mbi vlerën e shtuar dhe të detyrimeve doganore për projektet me financim të huaj të alokuar në programin "Ekzekutimi i pagesave të ndryshme" të Ministrisë së Financave dhe Ekonomisë.
- Ministri përgjegjës për financat, nëpërmjet Drejtorisë së Përgjithshme të Buxhetit, shqyrton kërkesën e Njësisë së Qeverisjes Vendore dhe opinionin e SASPAC dhe miraton ose jo përdorimin e fondit për parafinancimin, bashkëfinancimin dhe pagesën e tatimit mbi vlerën e shtuar dhe të detyrimeve doganore për projektet me financim të huaj të alokuar në programin "Ekzekutimi i pagesave të ndryshme" të Ministrisë së Financave dhe Ekonomisë.

Ky fond alokohet në formën e transfertës së pakushtëzuar duke specifikuar dhe kodin e projektit/produktit për të cilin alokohet fondi.

- Transferimi i fondit për parafinancimin, bashkëfinancimin dhe pagesën e tatimit mbi vlerën e shtuar dhe të detyrimeve doganore për projektet me financim të huaj për Njësitë e Qeverisjes së Përgjithshme i nënshtrohet të gjitha rregullave dhe procedurave të ligjit nr.9936/2008 i ndryshuar dhe aktet nënligjore në zbatim të tij.
- Institucionet përfituese të këtij fondi raportojnë për përdorimin e tij në ministrinë përgjegjëse për financat dhe në SASPAC, si pjesë e raportimeve zyrtare për monitorimin e buxhetit vjetor si dhe të monitorimit të projekteve të investimeve publike.